

Initial Primary Teacher Education

**Buku lophunzitsira
m'Sukulu za Uphunzitsi**

Chichewa

Buku loyamba



Malawi Institute of Education

Initial Primary Teacher Education

**Buku lophunzitsira
m'Sukulu za Uphunzitsi**

Chichewa

Buku loyamba

Unduna wa za Maphunziro, Sayansi ndi Luso

Omwe adalemba ndi kusindikiza bukuli

Malawi Institute of Education
P.O. Box 50
Domasi
Malawi

Email: miedirector@sdnp.org.mw
Website: www.mie.edu.mw

© Malawi Institute of Education 2017

Zonse za m'bukumu n'zosati munthu akopere mu njira ina iliyonse popanda chilolezo. N'zosatinso munthu achitire malonda mpang'ono pomwe. Komabe ngati munthu afuna kugwira ntchito ya za maphunziro ndi bukuli, ayambe wapempha ndi kulandira chilolezo kuchokera kwa eni ake omwe adalisindikiza.

Kusindikiza koyamba kwa bukuli 2017

Kuthokoza

Unduna wa za Maphunziro, Sayansi ndi Luso pamodzi ndi Malawi Institute of Education akuthokoza anthu onse amene adathandiza mu njira zosiyansiyana kuti bukuli lilembewe.

Akuthokoza makamaka bungwe la UNICEF ndi GIZ chifukwa cha thandizo la chuma ndi upangiri osiyanasiyana pa nthawi yolemba bukuli.

Undunawu ukuthokozango mwapadera Mkulu wa Department of Inspectorate and Advisory Services (DIAS), a Raphael Agabu, ndi onse ogwira ntchito ku Dipatimentiyi, Mkulu wa Malawi Institute of Education, Dr William Susuwele-Banda, ndi onse ogwira ntchito kumeneko, Mtsogoleri wa ntchito yokonzanzo maphunziro a m'sukulu za uphunzitsi (IPTE), Dr Ezekiel Kachisa ndi onse owathandizira (a Edward G Mtonga ndi Catrin Anderer) chifukwa chotsogolera ntchito yolemba bukuli.

A MIE ndi Undunawu akuthokozango a Frackson Manyamba, Foster NJ Gama, Benjamin David, Margret Mandala-Bandason, Margaret Magalasi ndi Bernadetta Namangale-Jere pounikira bukuli ndi kupereka malangizo othandiza

Okonza

Mkonzi	:	Max J Iphani
Wotayipa	:	Anastazia T Mbungulo
Mkonzi wamkulu	:	Max J Iphani

Olemba

Innocencia Guzako-Kachala	Lilongwe Teachers' College
John Kunkumbira	St Joseph's Teachers College
Gertrude Mkandawire	Blantyre Teachers' College
Laston Mkhaya	Montfort Special Needs College
Ndamyo Mwanyongo	Kasungu Teachers' College
Wisdom Nkhoma	Domasi College of Education

Mawu otsogolera

Maphunziro ndi maziko a chitukuko m'dziko. Iwo ndi gwero la chitukuko pa moyo wa munthu, gulu la anthu ngakhalenso dziko. Maphunziro amakonzekeretsa ophunzira kukhala ndi maluso oti azithandiza kutukula moyo wa anthu ndi chuma cha dziko moyenera. Makolo amafuna kuti ana awo azikula ndi nzeru zabwino komanso moyo wathanzi kudzera m'maphunziro, omwe angawathandize kukhala ndi maluso ndi maganizo abwino kuti akhale anthu odalirika ndi a moyo wokondwa.

Choncho n'koyenera kuti maphunziro azikhala othandiza ophunzira kukhala a makhalidwe abwino, maganizidwe oyenera komanso odziwa udindo wawo. Chotero ophunzira uphunzitsi aziphunzitsidwa moyenera kuti azitha kuphunzitsa mwaluso.

Pali zinthu zambiri zimene zimathandiza kuti maphunziro akhale apamwamba. Chimodzi mwa izo ndi kukhala ndi aphunzitsi osulidwa bwino. Aphunzitsi ali ndi gawo lalikulu pophunzitsa chifukwa ndiwo amatsogolera ophunzira kupeza nzeru za maphunziro. Iwo amakhalanso chitsanzo kwa ophunzira m'machitidwe awo.

Cholina cha maphunziro a zauphunzitsi m'Malawi ndi kusula aphunzitsi ogwira ntchito yaho mwaluso ndi mwaukadaulo. Izi zimatheka ngati aphunzitsiwa aphunzitsidwa mwaluntha kuti akhale ndi nzeru, maluso ndi ukadaulo wowathandiza kuphunzitsa ophunzira akupulayimale moyenera. Choncho maphunziro a uphunzitsi a IPTE aunikidwano ndi cholinga choti ophunzira uphunzitsi akamatsiriza maphunziro awo azikhala atasulidwa mwaluso kuti akagwire ntchito yaho mwaukadaulo.

Ndondomeko younikanso maphunzirowa yatsogoloeredwa ndi lingaliro ili:

'Kusula mphunzitsi wodziunika, wodzidalira, wozindikira kuti kuphunzira sikutha pa moyo wa munthu, wamakhalidwe abwino komanso wodziwa kuphunzitsa ophunzira osiyanasiyana molingana ndi kuthekera kwavo.'

Tikukhulupirira kuti sukulu zophunzitsa ntchito yauphunzitsi m'Malawi muno zizindikira kuti maphunzirowa ndi aphindu pothandiza ophunzira uphunzitsi kukhala ndi maziko odalirika a ntchito yaho.

Executive Director

Malawi Institute of Education

Zamkatimu

Kuthokoza	v
Mawu otsogolera	vi
Mutu 1 Kaphunzitsidwe ka kumva ndi kuyankhula.....	1
Mutu 2 Kaphunzitsidwe ndi kayesedwe ka ndakatulo ndi Nyimbo	3
Mutu 3 Kaphunzitsidwe ka kukonzekera kuwerenga.....	7
Mutu 4 Njira zophunzitsira ndi kuyesera kuyamba kuwerenga mu Sitandade 1	10
Mutu 5 Zipangizo zophunzitsira, zophunzirira ndi zoyesera kuwerenga	14
Mutu 6 Kaphunzitsidwe ka kuwerenga nkhani kapena nthano	19
Mutu 7 Kuwerenga mabuku oonjezera	22
Mutu 8 Kaphunzitsidwe ndi kayesedwe ka kulemba mwaluso ndi kulemba zidziwitso	25
Mutu 9 Kaphunzitsidwe ndi kayesedwe ka kulemba lembetso	28
Mutu 10 Kaphunzitsidwe ka kulemba chimangirizo	30
Mutu 11 Kaphunzitsidwe ka kulemba kalata	34
Mutu 12 Kulemba nkhani, nthano ndi sewero	37
Mutu 13 Kaphunzitsidwe ka kugwiritsa ntchito malamulo a chiyankhulo	40
Mutu 14 Kaphunzitsidwe ka ndagi/ zilapi	43
Mutu 15 Kaphunzitsidwe ka mikuluwiko.....	45
Mutu 16 Kaphunzitsidwe ka nthano.....	47
Mutu 17 Kaphunzitsidwe ka sewero.....	49
Mutu 18 Kaphunzitsidwe ka kuzukuta nyimbo ndi ndakatulo...	51

MUTU 1 Kaphunzitsidwe ka kumva ndi kuyankhula

Luso : Kumva ndi kuyankhula
Nthawi: Maola 2
Chigawo: Choyamba

Chiyambi

Maluso a kumva ndi kuyankhula ndi ofunika kwambiri kwa mphunzitsi ndi ophunzira. Ophunzira amasonyeza kuti amva zomwe aphunzira poyankhula ndi kupereka maganizo awo pa zomwe amva. Maluso awiriwa amaphunzitsidwira limodzi chifukwa nthawi zambiri ngati wina akuyankhula ndiye kuti wina akumvetsera.

Ophunzira ayenera kumva zomwe mphunzitsi akuphunzitsa ndi cholinga choti achite bwino pa maphunziro awo. Mphunzitsi amadziwa kuti ophunzira akukhoza ngati akutha kuyankha pa zomwe amva. Choncho ndi kofunika kuti ophunzira uphunzitsi aphunzire kaphunzitsidwe ka kumva ndi kuyankhula.

M'mutu uno mufotokoza njira zophunzitsira maluso a kumva ndi kuyankhula mu Sitandade 5 mpaka 8. Kenaka musonyeza kaphunzitsidwe ka maluso a kumva ndi kuyankhula.

Zizindikiro za kakhozedwe

Pakutha pa mtu uno, ophunzira asonyeza kaphunzitsidwe ka maluso a kumva ndi kuyankhula.

Mawu otsogolera

Mitu ya ntchito ya kumva ndi kuyankhula ilipo yosiyanasiyana monga malonje, zouzidwa, zilapi ndi nthano. Ntchito zimenezi zimakulitsa luso la kumva ndi kuyankhula. Ophunzira ayenera kaphunzitsidwa bwino kuti apindule pa zomwe akuphunzira. Kuti izi zitheke, ophunzira uphunzitsi ayenera kaphunzira njira zosiyanasiyana zophunzitsira ntchitozi.

Ophunzira uphunzitsi aphunzire njira zomwe zimaperekwa mpata kwa ophunzira kutengapo mbali pa zomwe akuphunzira monga kuchita sewero, kusonyeza, kuyesana ndi ntchito ya m'magulu. Si bwino kuganiza kuti ophunzira sakudziwa chilichonse pa mitu imeneyi. Iwo akuyenera kupatsidwa mpata woti asonyeze zomwe akudziwa kale.

Ntchito 1: Kufotokoza njira zophunzitsira maluso a kumva ndi kuyankhula m'Sitandade 5 mpaka 8

- 1 Zukutani mitu ya ntchito ya maluso a kumva ndi kuyankhula yopezeka m'mabuku a aphunzitsi a Sitandade 5 mpaka 8.
- 2 Fufufuzani njira zophunzitsira mitu ya ntchito ya maluso a kumva ndi kuyankhula kuchokera m'mabukuwa.

3 Fotokozerani anzanu zomwe mwapeza.

Malangizo kwa mphunzitsi

Mutsogolere ophunzira kupeza ntchito ya maluso a kumva ndi kuyankhula ndi njira zophunzitsira malusowa.

Ntchito 2: Kusonyeza kaphunzitsidwe ka maluso a kumva ndi kuyankhula.

- 1** Unikani njira zophunzitsira maluso a kumva ndi kuyankhula.
- 2** Phunzitsani mitu ya ntchito ya maluso a kumva ndi kuyankhula.
- 3** Zukutani phunziro lililonse.

Malangizo kwa mphunzitsi

Muombe mkota pa zomwe ophunzira achita.

Kufotokoza mwachidule

M'mutu uno mwaphunzira kuti ophunzira akupulayimale amaphunzira ntchito zosiyanasiyana zomwe zimakulitsa luso la kumva ndi kuyankhula monga malonje, zouzidwa ndi zilapi kapena nthano. Inu monga ophunzira uphunzitsi mwazindikira kufunika kophunzitsa ntchito zimenezi monga kuwakonzekeretsa ophunzira pa ntchito zomwe angadzagwire m'tsogolo monga kutola nkhani. Mwaphunziranso njira zophunzitsira ndi zoyesera maluso a kumva ndi kuyankhula m'Sitandade 5 mpaka 8. Potsiriza, mwagwiritsa ntchito njirazi pohunzitsana ndi kuyesana.

Kudziunika ndi kudziyesa

- 1** Tchulani njira zisanu zophunzitsira maluso a kumva ndi kuyankhula.
- 2** Fotokozani mwachidule zomweungachite poyesa ophunzira pa maluso a kumva ndi kuyankhula.
- 3** Mungadziwe bwanji kuti ophunzira ali ndi luso la kumva ndi kuyankhula?

Matanthauzo a mawu

Kusonyeza: njira yomwe ophunzira ndi mphunzitsi amasonyeza kachitidwe ka zinthu

Kuchita sewero: njira yomwe ophunzira amasonyeza zomwe aphunzira mwa kuchita sewero

Mabuku

Malawi Institute of Education (2008).

Maphunziro a m'sukulu zauphunzitsi m'Malawi buku la mphunzitsi. Domasi: MIE.

Initial Primary Teacher Education through open and distance learning (2009). *Chichewa Module 1. Department of Teacher Education (DTED).*

Kuwerenga koonjezera

Malawi Institute of Education (1998).

MITEP Student Teacher's Handbook 2. Domasi: MIE.

MUTU 2 Kaphunzitsidwe ndi kayesedwe ka ndakatulo ndi nyimbo m'Sitandade 3 mpaka 8

Luso : Kumva ndi kuyankhula
Nthawi: Maola 5
Chigawo: Chachiwiri

Chiyambi

Ndakatuo kapena nyimbo ndi umodzi mwa mitu ya maluso a kumva ndi kuyankhula. Mutu umenewu umakulitsa luso la kumva ndi kuyankhula mwa ophunzira ndi aphunzitsi komanso umathandiza kukometsa chiyankhulo. Ophunzira uphunzitsi ayenera kuphunzira ndondomeko yophunzitsira ndakatulo kapena nyimbo. Ndakatulo ndi nyimbo zimaphunzitsidwa pamodzi chifukwa kuimba ndi kulakatula komwe.

M'mutu uno mufufuza njira ndi ndondomeko yomwe mungatsatire pophunzitsa ndi kuyesa ndakatulo ndi nyimbo kwa ophunzira a m'Sitandade 3 mpaka 8.

Zizindikiro za kakhozedwe

Pakutha pa mutu uno, ophunzira asonyeza kaphunzitsidwe ka ndakatulo ndi nyimbo.

Mawu otsogolera

Ndakatulo kapena nyimbo zimagwira ntchito zosiyanasiyana monga kuphunzitsa, kulangiza, kudzudzula, kuthokoza ndi kuthandiza ophunzira kusunga chikhalidwe cha makolo. Ndakatulo zilipo za mitundu iwiri, zampululira ndi zamapasa. Zampululira ndi zomwe mawu akomalizira samveka

mofanana. Zamapasa ndi zomwe mawu akomalizira amamveka mofanana.

Nyimbo zilipo za mitundu ingapo: zachisoni, zothokoza, zodzudzula ndi zachisangalalo. Ophunzira a kupulayimale amaphunzira ndakatulo kapena nyimbo ndi cholinga choti adziwe katchulidwe kabwino ka mawu, aziganiza mozama komanso kuyankhula pagulu mopanda manyazi. Zina mwa ntchito zosiyanasiyana za ndakatulo ndi nyimbo ndi kusangalatsa, kuthokoza, kudzudzula ndi kuchenjeza. Ngakhale ophunzira amadziwa kuimba, ayenerabe kuphunzitsidwa potsata ndondomeko yoyenera ndi cholinga chokulitsa luso la kumva ndi kuyankhula.

Aphunzitsi ambiri amaganiza kuti kuphunzitsa kwabwino kwa ndakatulo kapena nyimbo ndi kuuza ophunzira kuti aloweze. Kuchita zimenezi si kutsatira ndondomeko yoyenera. Nthawi zambiri aphunzitsi sakhala ndi chidwi poyesa ophunzira ndakatulo kapena nyimbo. Zoterezi zimachitsa kuti ophunzira asakhalenso ndi chidwi ndi kuimba kapena kulakatula. Pofuna kuthetsa vutoli ndi bwino kuti ophunzira uphunzitsi aphunzire luso loyenera lophunzitsira ndakatulo kapena nyimbo.

Ntchito 1: Kufotokoza chikonzekero cha phunziro la ndakatulo ndi nyimbo

- 1 Kambiranani tanthauzo la "ndakatulo" ndi "nyimbo".
- 2 Fufuzani mitundu ya ndakatulo ndi nyimbo m'mabuku.
- 3 Kambiranani ntchito za ndakatulo ndi nyimbo m'mabuku a ophunzira a Sitandade 3 mpaka 8.
- 4 Fotokozerani anzanu zomwe mwakambirana.
- 5 Perekani maganizo anu pa zomwe anzanu afotokoza.

Malangizo kwa mphunzitsi

- Mupezeretu tanthauzo la "ndakatulo" ndi "nyimbo" powerenga mabuku oonjezera.
- Mupezeretu zitsanzo za ndakatulo ndi nyimbo zosiyansiyana.

Ntchito 2: Kulemba chikonzekero cha phunziro la ndakatulo ndi nyimbo m'Sitandade 3 mpaka 8.

- 1 Kambiranani zipangizo zophunzitsira ndakatulo ndi nyimbo m'Sitandade 5 mpaka 8.
- 2 Kambiranani kalembedwe ka chikonzekero cha phunziro la ndakatulo ndi nyimbo.
- 3 Lembani chikonzekero cha phunziro la ndakatulo ndi nyimbo.
- 4 Fotokozerani anzanu zomwe mwalemba.
- 5 Perekani maganizo anu pa zomwe anzanu afotokoza.

Malangizo kwa mphunzitsi

- Muuze ophunzira kuti awereng mfundo zina m'mabuku a aphunzitsi ndi kuunika njira zomwe angaphunzitsire ndakatulo kapena nyimbo.
- Muthandize ophunzira kupeza zipangizo zophunzitsira monga ng'oma ndi wenzulo.

Ntchito 3: Kuonerera phunziro la kaphnzitsidwe ndi kayesedwe ka ndakatulo ndi nyimbo

- 1 Kambiranani mfundo zoyenera kutsatira poonerera phunziro la kaphnzitsidwe ndi kayesedwe ka ndakatulo ndi nyimbo monga izi:
 - i Kodi akutsatira ndondomeko yophunzitisra ndakatulo ndi nyimbo?
 - ii Kodi akutsatira dongosolo loonetsetsa kuti ophnzira akumvetsa zomwe akuphunzira?
 - iii Kodi akutsatira kuwerenga kokweza ndi kotsitsa koyenera?
 - iv Kodi phunziro latenga nthawi yochuluka bwanji?
 - v Lembani zina mwa zomwe mwaona

Malangizo kwa mphunzitsi

- Onetsetsani kuti ophunzira akudziwa zoyenera kuchita poonerera phunziro.
- Limbikitsani ophunzira kulemba zomwe akuona.

Ntchito 4: Kusonyeza kaphunzitsidwe ka ndakatulo ndi nyimbo

- 1 Phunzitsani ndakatulo kapena nyimbo.
- 2 Zukutani phunziro lililonse.

Malangizo kwa mphunzitsi

- Mukonzeretu ndondomeko yozukutira phunziro.
- Muuze ophunzira kuti ajambule zomwe ena akuphunzitsa pogwiritsa ntchito foni kapena "tape recorder". Izi zingathandize pozukuta phunziro.
- Muombe mkota pa ntchito yomwe ophunzira achita.

Kufotokoza mwachidule

M'mutu uno mwaphunzira tanthauzo la ndakatulo ndi nyimbo.

Mwaphunziranso kufunika kophunzitsa ndakatulo ndi nyimbo monga kukulitsa luso la kumva ndi kuyankhula.

Pomaliza, mwaphunzitsa ndakatulo ndi nyimbo pogwiritsa ntchito chikonzekero cha phunziro.

Kudziunika ndi kudziyesa

- 1 Kodi "ndakatulo" ndi "nyimbo" zimasiyana bwanji?
- 2 Werengani ndakatulo ya "Kudziteteza ku matenda" ya m'buku la ophunzira la Sitandade 6 ndipo muyankhe mafunso awa:
 - i. Kodi ndakatuloyi ikugwira ntchito yanji?

- ii. Tsimikizani kuti ndakatuloyi ndi yampululira.
 - iii. Pezani mawu m'ndakatuloyi ndipo mufotokoze zomwe mungachite kuti ophunzira adziwe matanthauzo a mawuwo.
- 3 Yerekezani kuti woimba amene amapereka uthenga wa kuopsa kwa matenda a edzi amaimba nyimbo zolaula. Mukuganiza kuti nyimbo zoterezi zingapereke chiopsezo chotani kwa ophunzira achichepere?

Matanthauzo a mawu

Ndakatulo: maganizo omwe amalembedwa mwachidule mu ndime zingapo kapena imodzi

Nyimbo: maganizo omwe amanenedwa kudzera m'kuimba

Kulakatula: kunena zinthu pamtima kapena kunena zinthu osaonera

Mabuku

Malawi Institute of Education (2008).

*Maphunziro a M'sukulu
Zauphunzitsi Buku la Mphunzitsi.*
Domasi: MIE.

Department of Teacher Education and Teacher Development (DTED), (2009). *Initial Primary Teacher Education through Open and Distance Learning (ODL). Chichewa Module 1.*

Kuwerenga koonjezera

Gill, R (1985). *Mastering English Literature*. London: Macmillan.

Gwengwe, J.W, (1967). *Ndakatulo*.
London: Oxford University
Press.

MUTU 3 Kaphunzitsidwe ka kukonzekera kuwerenga

Luso : Kuwerenga
Nthawi : Maola 2
Chigawo: Chachiwiri

Chiyambi

Phunziro la kukonzekera kuwerenga limathandiza ophunzira kukulitsa luso la kuwerenga mosavuta. Pali ntchito zosiyanasiyana zomwe mphunzitsi angachite ndi ophunzira zokonzekera kuwerenga. Ntchitozi zingathe kuthandizanso ophunzira omwe akulephera kuwerenga.

M'mutu uno muphunzira ntchito zosiyanasiyana zomwe mphunzitsi angachite ndi ophunzira a mu Sitandade 1 pokonzekera kuwerenga. Kenaka, muphunzira njira zomwe mungagwiritse ntchito kuzindikira malire a mawu kwa ophunzira a m'Sitandade 1.

Zizindikiro za kakhozedwe

Pakutha pa mutu uno, ophunzira:

- afotokoza zoyenera kuchita pa phunziro la kukonzekera kuwerenga.
- asonyeza kaphunzitsidwe ka malire a mawu.

Mawu otsogolera

Ophunzira asanayambe kuwerenga amachita zinthu zosiyanasiyana zomwe zimawathandiza kuti aphunzire kugwira buku komanso kuti azindikire kuti malembo amakhala ndi tanthauzo.

Popeza ophunzira ena akamayamba sukulu amakhala asanagwirepo buku, ndi kofunika kuwathandiza kuti akonzekere mokwanira asanayambe kuwerenga. Mphunzitsi angathe kuchitanso izi pomwe akuthandiza ophunzira omwe akulephera kuwerenga.

Ntchito 1: Kufotokoza kufunika kwa kuwerenga

- 1 Kambiranani tanthauzo la kuwerenga.
- 2 Kambiranani kufunika kwa kuwerenga.
- 3 Lembani zomwe mwakambirana.
- 4 Fotokozerani anzanu zomwe mwalemba.
- 5 Perekani maganizo anu pa ntchito yomwe anzanu achita.

Malangizo kwa mphunzitsi
Muonetsetse kuti muli ndi tanthauzo lomveka bwino la kuwerenga ndi mfundu zosonyeza kufunika kwa kuwerenga.

Ntchito 2: Kufotokoza zoyenera kuchita pa phunziro la kukonzekera kuwerenga

- 1 Kambiranani zomwe mphunzitsi angachite ndi ophunzira pa phunziro la kukonzekera kuwerenga.
- 2 Lembani zomwe mwakambirana.
- 3 Sonyezani anzanu zomwe mwakambirana.

- Perekani maganizo anu pa zomwe anzanu asonyeza.

Malangizo kwa mphunzitsi

- Mufufuziretu ntchito zosiyansiyana zomwe mphunzitsi angachite ndi ophunzira powakonzekeretsa kuwerenga.
- Muombe mkota pa ntchito yomwe ophunzira achita.

Ntchito 3: Kufotokoza njira zomwe zingathandize ophunzira kudziwa malire a mawu

- Kambiranani njira zomwe zingathandize ophunzira kudziwa malire a mawu.
- Lembani zomwe mwakambirana.
- Sonyezani anzanu zomwe mwakambirana.
- Perekani maganizo anu pa zomwe anzanu asonyeza .

Malangizo kwa mphunzitsi

- Mufufuziretu njira zomwe zingathandize ophunzira kudziwa malire a mawu.
- Muonenetsetse kuti ophunzira akusonyeza moyenera njira zophunzitsira malire a mawu.
- Muombe mkota pa ntchito yomwe ophunzira achita.

Ntchito 4: Kusonyeza kaphunzitsidwe ka malire a mawu

- Unikani njira zosiyansiyana zomwe zingathandize ophunzira kudziwa malire a mawu.

- Sonyezani momwe mungaphunzitsire malire a mawu.
- Perekani maganizo anu pa phunziro lililonse.

Malangizo kwa mphunzitsi

- Muonenetsetse kuti ophunzira akusonyeza moyenera njira zophunzitsira malire a mawu.
- Muombe mkota pa ntchito yomwe ophunzira achita.

Kufotokoza mwachidule

M'mutu uno, mwaphunzira kufunika kwa kuwerenga. Mwaphunziranso ntchito zosiyansiyana zomwe mphunzitsi angachite ndi ophunzira pa phunziro la kukonzekera kuwerenga. Kenaka, mwasonyeza momwe mungaphunzitsire malire a mawu.

Kudziunika ndi kudziyesa

- Fotokozani kufunika kwa kuwerenga.
- Tchulani ntchito zosiyansiyana zomwe mphunzitsi angachite ndi ophunzira pa phunziro la kukonzekera kuwerenga.
- N'chifukwa chiyani ophunzira ayenera kuzindikira malire a mawu?

Mabuku

Cunningham, P.M. and Allington, R.L. (2011). *Classrooms that work: they can all read and write*. Fifth Edition. Boston: Pearson.

Malawi Institute of Education (2008). Maphunziro a m'sukulu za uphunzitsi m'Malawi: Chichewa

Buku la Mphunzitsi, Domasi:
MIE.

Ministry of Education, Science and
Technology (2009). Initial
Primary Teacher Education
through Open and Distance
Learning (ODL): Chichewa
Module 1. First Edition.
Lilongwe: DTED.

Kuwerenga koonjezera

Malawi Institute of Education (1998).

MITEP *Student Teacher's
Handbook 2*. Domasi: MIE.

<http://www.blog.montessoriforeveryone.com/10-easy-ideas-for-pre-reading-activities.html>

<https://cehdvision2020.umn.edu/blog/helping-kids-with-reading/>

MUTU 4 Njira zophunzitsira ndi kuyesera kuyamba kuwerenga mu Sitandade 1

Luso : Kuwerenga

Nthawi: Maola 2

Chigawo: Chachiwiri

Chiyambi

Pali njira zosiyansiyana zophunzitsira kuyamba kuwerenga. Zina mwa njirazi zimathandiza ophunzira kuwerenga mofulumira ndi mosavuta. Pa chifukwa ichi mphunzitsi ayenera kudziwa njira zosiyansiyana zophunzitsira ophunzira kudziwa kuwerenga ndi cholinga choti athandize ophunzira moyenera.

M'mutu uno muphunzira njira zosiyansiyana zophunzitsira kuyamba kuwerenga.

Zizindikiro za kakhozedwe

Pakutha pa mutu uno, ophunzira asonyeza kaphunzitsidwe ka kuyamba kuwerenga mu Sitandade 1.

Mawu otsogolera

Pophunzitsa kuwerenga mu Sitandade 1 mpaka 4, mphunzitsi akuyenera kutsatira njira yoyamba ndi mphunzitsi, mphunzitsi ndi ophunzira, kenako ophunzira paokha. Potsatira njirayi, mphunzitsi amasonyeza kwa ophunzira ntchito yomwe ophunzira achite ndi momwe achitire. Kenaka, ophunzira amachita ntchito yomwe mphunzitsi wasonyeza limodzi ndi mphunzitsiyo. Pomaliza, ophunzira amakhala ndi mwayi wochita paokha ntchito yomwe aphunzira. Njirayi imathandiza ophunzira kuti atengere

chitsanzo cha momwe mphunzitsi akuwerengera. Mphunzitsi amayenera kuonetsetsa kuti wophunzira aliyense akutenga mbali pa nthawi yomwe akuwerenga ndi mphunzitsi, komanso pomwe akuwerenga okha. Mphunzitsi akhoza kuthandiza ophunzira omwe akulephera kuwerenga nthawi yomwego kapena pa nthawi ina yapadera.

Pali njira zosiyansiyana zomwe mphunzitsi angagwiritse ntchito pophunzitsa kuyamba kuwerenga. Zina mwa izo ndi zotsatirazi.

Njira yomwe ophunzira amatsata maliwu a malembo.

Pogwiritsa ntchito njirayi, aphunzitsi amatsata maliwu (mamvekero) a malembo omwe ali m'chiyankhulo chomwe chikuphunzitsidwa.


Mwachitsanzo, mphunzitsi angatsatire maliwu a malembo a **a n i m u k o l e** omwe akupezeka koyambirira kwa buku la Sitandade 1. Pali chikhulupiriro choti ngati mwana adziwa lembo lililonse ndi liwu lake, ndiye kuti angathe kuwerenga yekha komanso kulemba mawu osiyanasiyana mosavuta. Ophunzira angathe kuwerenga zinthu zomwe amadziwa kulemba.

Njira yotsata maphatikizo a malembo

Potsatira njira ya maphatikizo a malembo, mphunzitsi amaphunzitsa ophunzira kuwerenga pogwiritsa ntchito maphatikizo a malembo. Mwachitsanzo, maphatikizo a **cha** ndi la amapanga mawu oti **chala**.

Njira yotsata mawu


Potsata njirayi, mphunzitsi amayamba kuphunzitsa ophunzira mawu omwe iwo akuwadziwa kale monga mayina a zinthu za m'kalasi ndi zinthu zomwe amaziona kunyumba kwavo. Amayeneranso kukhala ndi zinthu zenizeni kapena zithunzi kuti ophunzira awerenge mosavuta. Akatero, amawaphunzitsa ophunzira mawu ena osiyanasiyana. Mwachitsanzo:



Khasu



Mtsuko



Chipewa



Amayi

Njira yotsata ziganizo

Aphunzitsi omwe amagwiritsa ntchito njirayi, amayamba kuphunzitsa ophunzira awo ziganizo zomwe ophunzirawo akuzidziwa kale.
Kawirikawiri ziganizozi zimaperekedwa ndi ophunzira eni ake osati mphunzitsi ayi. Mwachitsanzo: Mphunzitsi amafunsa ophunzira mafunso monga: Kodi pobwera kusukulu mwaona chiyani? Ophunzira akayankha, mphunzitsi amalemba chiganizocho pabolodi ndi kuthandiza ophuzirawo kuwerenga.

Ntchito 1: Kuunika njira zophunzitsira kuyamba kuwerenga mu Sitandade 1.

- 1 Unikani njira zophunzitsira kuyamba kuwerenga mu Sitandade 1.
- 2 Fotokozerani anzanu zomwe mwapeza.
- 3 Perekani maganizo anu pa zomwe anzanu afotokoza.

Malangizo kwa mphunzitsi

Muombe mkota pa maganizo omwe ophunzira apereka.

Ntchito 2: Kulemba mfundo zofunika kukumbukira pophunzitsa (lesson notes)

- 1 Unikani chikonzekero cha phunziro cholemberatu m'buku la mphunzitsi la Sitandade 1.

- 2 Lembani mfundo zofunika kutsatira pophunzitsa (lesson notes).
- 3 Fotokozerani anzanu mfundo zanu.

Malangizo kwa mphunzitsi

Muonetetse kuti ophunzira alemba mfundo zofunika kukumbukira pophunzitsa.

Ntchito 3: Kusonyeza kaphunzitsidwe ka kuyamba kuwerenga mu Sitandade 1

- 1 Unikaniso njira zophunzitsira kuyamba kuwerenga mu Sitandade 1.
- 2 Kambiranani momwe mungaphunzitsire kuyamba kuwerenga mu Sitandade 1.
- 3 Sonyezni momwe mungaphunzitsire kuyamba kuwerenga mu Sitandade 1.
- 4 Zukutani phunziro lililonse.

Malangizo kwa mphunzitsi

- Muwapatse ophunzira mwayi woyesera kugwiritsa ntchito njira zone.
- Mukonzeretu ndondomeko yozukutira phunziro.
- Muwaunikire zoyenera kuyang'ana pozukuta phunziro.
- Muwombe mkota pa ntchito yomwe ophunzira achita.

Kufotokoza mwachidule

M'mutu uno, mwafotokoza ndi kuunika njira zosiyanasiyana zophunzitsira kuyamba kuwerenga mu Sitandade 1 ndipo mwaphunzitsa kuyamba kuwerenga pogwiritsa ntchito njirazi.

Kudziunika ndi kudziyesa

- 1 Kutapezeka kuti pa sukulu yanu aphunzitsi a Sitandade 1 akupeza mavuto kuti awathandize ophunzira kuyamba kuwerenga mu Sitandade 1, mungawalangize kugwiritsa ntchito njira ziti?
N'chifukwa chiyani mwatchula njirazi?
- 2 Kodi inu mudakumana ndi zotani pa nthawi yomwe munkaphunzira kuyamba kuwerenga?
- 3 Fotokozani ubwino ndi kuipa kogwiritsa ntchito maliwu a malembo pophunzitsa kuyamba kuwerenga.

Matanthauzo a mawu

Maliwu a malembo (mamvekero):

momwe malembo
amatchulidwira munthu

akamayankhula kapena
kuwerenga

Mabuku

Cunningham, P.M. and Allington, R.L.

(2011). *Classrooms that work: they can all read and write*. Fifth Edition. Boston: Pearson.

Malawi Institute of Education (2008).

Maphunziro a m'sukulu za uphunzitsi m'Malawi: Chichewa Buku la Mphunzitsi, Domasi: MIE.

Ministry of Education, Science and Technology (2009). Initial Primary Teacher Education through Open and Distance Learning (ODL): Chichewa Module 1. First Edition. Lilongwe: DTED.

Kuwerenga koonjezera

Malawi Institute of Education (1998).

MITEP *Student Teacher's Handbook*
2. Domasi: MIE.

MUTU 5 Zipangizo zophunzitsira, zophunzirira ndi zoyesera kuwerenga

Luso : Kuwerenga

Nthawi: Maola 4

Chigawo: Chachiwiri

Chiyambi

Zipangizo zophunzitsira zimathandiza kwambiri kuti phunziro liyende bwino komanso kuti ophunzira amvetse bwino zomwe akuyenera kuphunzira.

Choncho ndi kofunikira kwambiri kuti mphunzitsi azigwiritsa ntchito zipangizo zophunzitsira, zophunzirira ndi zoyesera.

M'mutu uno muphunzira kufunika kwa zipangizo zophunzitsira, zophunzirira ndi zoyesera kuwerenga. Kenaka, mupanga zipangizozo. Pomaliza musonyeza kaphunzitsidwe ka kuwerenga mu Sitandade 1 mpaka 4 pogwiritsa ntchito zipangizo zosiyansiyana.

Zizindikiro za kakhozedwe

Pakutha pa mutu uno, ophunzira:

- apanga zipangizo zosiyansiyana zophunzitsira, zophunzirira ndi zoyesera kuwerenga mu Sitandade 1 mpaka 4.
- asonyeza kaphunzitsidwe ka kuwerenga pogwiritsa ntchito zipangizo zomwe apanga.

Mawu otsogolera

Phunziro lililonse limasiyana ndi phunziro linzake. Choncho mphunzitsi amayenera kukonza zipangizo

zophunzitsira, zophunzirira ndi zoyesera zogwirizana ndi phunziro lomwe akuyenera kuphunzitsa. Ndi kofunika kuti mphunzitsi aliyense azidziwa kapangidwe komanso momwe zipangizo zosiyansiyana zimagwiritsidwira ntchito mu phunziro la kuwerenga.

Pali zitsanzo zosiyansiyana za zipangizo zophunzitsira, zophunzirira ndi zoyesera kuwerenga. Zipangizozi zimapangidwa mwa njira zosiyansiyana. Zina mwa izo ndi zotsatirazi:

Makadi

Makadi amapangidwa kuchokera ku mapepala olimba alionse kapena zikuto. Kukula kwake ndi masentimita 5 mbali zonse, kapena masentimita 5 mulifupi ndi masentimita 30 mulitali. Ntchito ya makadi ndi kulembapo malembo, maphatikizo komanso mawu.

Ophunzira akhoza kutola khadi ndi kuwerenga, komanso kuchita masewera osiyansiyana a kuwerenga.

Mwachitsanzo:

a

ma

yi

amayi

Matchati

Awa ndi mapepala aakulu, kukula kwake masentimita 60 mulifupi ndi masentimita 85 mulitali. Mukhoza kudula pakati tchati lalikulu.

Ntchito ya matchati ndi kulembapo malembo, maphatikizo, mawu, ziganizo ngakhalenso ndakatulo. Mukhozanso kujambulapo chithunzi ndi kulembapo mawu okhudzana ndi chithunzicho. Dulani mzere m'mbali mwa tchati kuti lioneke lokongola ndi lopatsa chikoka. Mukatha kuphunzitsira, khomani matchati m'kalasi mwanu kuti ophunzira aziwerenga zomwe munalembapo pa nthawi yawoyawo.

Mabolodi ofewa (soft board)

Ntchito yake ndi kupachikapo zinthu zosiyanasiyana zothandiza powerenga. Mukhozanso kupachikapo ntchito yomwe ophunzira analumba bwino komanso mayina a ophunzira omwe anakhoza bwino. Mukhozanso kugwiritsa ntchito mphasa, mkekka, saka, bulanete kapena mlulu m'malo mwa mabolodi ofewa.

Alifabeti Fulizi

Awa ndi malembo omwe amathandiza ophunzira kudziwa kuwerenga. Pa lembo lililonse pamajambulidwa chithunzi chogwirizana ndi liwu loyamba la dzina la chithunzicho. Mukatha kuphunzitsira, khomani alifabeti fulizi pa khoma m'kalasi mwanu kuti ophunzira aziwerenga malembo ndi kuyesera maliwu ake pa nthawi yawoyawo.

Chitsanzo cha alifabeti fulizi

Aa	Bb	Cc	Dd
	 Bawo	 Chala	 Diso

Bokosi la kanema

Chipangizo ichi chimapangidwa pogwiritsa ntchito katoni, ndodo ziwiri komanso zithunzi zosiyanasiyana zojambulidwa pa pepala lalitali. Pogwiritsa ntchito bokosi la kanema, mumapotoloza ndodozo kuti zithunzi ziziyenda ngati kanema. Bokosi la kanema limathandiza powerenga kapena pofotokoza nthano.

Chitsanzo cha bokosi la kanema





Kansalu kacheya (Fulanelogalafu)

Aka ndi kansalu kokhala ndi cheya. Ngati simungathe kukapeza kansaluka, mukhoza kugwiritsa ntchito bulangeti, thaulo la kubafa kapena chiguduli. Ntchito yake ndi kupachikapo makadi olembapo mawu ndi zithunzi. Kumbuyo kwa makadiwo timamatako nsima kapena sandipepala. Chipangizochi ndi chothandiza powerenga mawu, ziganizo kapena pofotokoza nthano.

Timabolodi

Zipangizo izi zimapangidwa pogwiritsa ntchito matabwa, dongo kapena katoni popakapo utoto wakuda. Patimabolodi mukhoza kulembapo malembo, maphatikizo, mawu ndi ziganizo zazifupi. Ubwino wa timabolodi ndi woti zomwe zalembedwapo zikhoza kufufutidwa.

Zidole

Zidole zimapangidwa kuchokera ku dongo, udzu kapena nsalu. Izi zimathandiza pophunzitsa ophunzira a m'makalasi aang'ono powerenga nkhani kapena nthano. Zimachititsa kuti

nthano ikhale yokondweretsa ndi yopatsa chidwi ophunzira.

Zithunzi

Izi mukhoza kuzijambula nokha papepala kapena kudula zithunzi kuchokera mu nyuzipepala, magazini kapena kalendala yakale. Mukhozano kutenga zithunzi zomwe zimagwiritsidwa ntchito pofalitsa mauthenga osiyanasiyana. Izi zimathandiza kuti nkhani yomwe ophunzira akuwerenga imveke bwino komanso iwapatse chidwi.

Ntchito 1: **Kukambirana kufunika kwa zipangizo zophunzitsira, zophunzirira ndi zoyesera kuwerenga**

- 1 Kambiranani kufunika kwa zipangizo zophunzitsira, zophunzirira ndi zoyesera kuwerenga.
- 2 Lembani zomwe mwakambirana.
- 3 Fotokozerani anzau zomwe mwalemba.

Malangizo kwa mphunzitsi

- Mufufuziretu mfundo zosonyeza kufunika kwa zipangizo zophunzitsira, zophunzirira ndi zoyesera kuyamba kuwerenga.
- Muombe mkota pa ntchito yomwe ophunzira achita.

Ntchito 2: **Kupanga zipangizo zophunzitsira, zophunzirira ndi zoyesera kuwerenga mu Sitandade 1 mpaka 4**

- 1 Kambiranani kapangidwe ka zipangizo zophunzitsira, zophunzirira ndi zoyesera kuwerenga mu Sitandade 1 mpaka 4.
- 2 Pangani zipangizo zosiyanasiyana zophunzitsira, zophunzirira ndi zoyesera kuwerenga.
- 3 Onetsani anzanu zipangizo zomwe mwapanga.
- 4 Perekani maganizo anu pa ntchito yomwe anzanu achita.

Malangizo kwa mphunzitsi
Muthandize ophunzira kupeza zipangizo zomwe angazifune.

Ntchito 3: Kufotokoza momwe mungagwiritsire ntchito zipangizo zophunzitsira, zophunzirira ndi zoyesera kuwerenga

- 1 Kambiranani momwe mungagwiritsire ntchito zipangizo zophunzitsira, zophunzirira ndi zoyesera kuwerenga.
- 2 Lembani zomwe mwakambilana.
- 3 Fotokozerani anzanu zomwe mwalembo.

Malangizo kwa mphunzitsi
Muombe mkota pa ntchito yomwe ophunzira achita.

Ntchito 4: **Kusonyeza kaphunzitsidwe ka kuwerenga pogwiritsa ntchito zipangizo zophunzitsira, zophunzirira ndi zoyesera**

- 1 Unikani zipangizo zophunzitsira, zophunzirira ndi zoyesera kuwerenga zomwe munapanga.
- 2 Kambiranani momwe mungagwiritsire ntchito zipangizozi.
- 3 Sonyezani momwe mungaphunzitsire pogwiritsa ntchito zipangizozi.
- 4 Perekani maganizo anu pa ntchito yomwe anzanu achita.

Malangizo kwa mphunzitsi
Muombe mkota pa ntchito yomwe ophunzira achita.

Kufotokoza mwachidule

M'mutu uno, mwaphunzira kufunika ndi kapangidwe ka zipangizo zophunzitsira, zophunzirira ndi zoyesera kuwerenga. Mwaphunziranso momwe mungagwiritsire ntchito zipangizo zosiyanasiyana pa phunziro la kuwerenga. Pomaliza, mwasonyeza momwe mungaphunzitsire pogwiritsa ntchito zipangizo zophunzitsira, zophunzirira ndi zoyesera kuwerenga mu Sitandade 1 mpaka 4.

Kudziunika ndi kudziyesa

- 1 Tchulani zitsanzo za zipangizo zophunzitsira, zophunzirira ndi zoyesera kuwerenga.

- 2 Fotokozani momwe
 mungagwiritsire ntchito
 zipangizo zophunzitsira,
 zophunzirira ndi zoyesera
 kuwerenga moyenera.
- 3 Mphunzitsi wina atakufunsani za
 ubwino wogwiritsa ntchito
 zipangizo zophunzitsira,
 zophunzirira ndi zoyesera
 kuwerenga. Mungamufotokozere
 zotani?

Matanthauzo a mawu

Dongo: dothi loumbira logwirana
 bwino

**Zipangizo zophunzitsira, zophunzirira
 ndi zoyesera kuwerenga:** Izi
 ndi zipangizo zomwe
 mphunzitsi ndi ophunzira
 amagwiritsa ntchito kuti
 kuphunzitsa ndi kuphunzira
 kukhale kosavuta ndi
 kwaphindu.

Mabuku

Malawi Institute of Education (2008).

Maphunziro a m'sukulu za
 uphunzitsi m'malawi: Chichewa
 Buku la Mphunzitsi, Domasi:
 MIE.

Ministry of Education, Science and
 Technology (2009). Initial
 Primary Teacher Education
 through Open and Distance
 Learning (ODL): Chichewa
 Module 1. First Edition.
 Lilongwe: DTED

Kuwerenga koonjezera

Malawi Institute of Education (1998).

MITEP Student Teacher's
 Handbook 2. Domasi: MIE.

<http://www.wvi.org/education-and-life-skills/creating-teaching-and-learning-materials>

<https://www.kizphonics.com/materials>

MUTU 6 Kaphunzitsidwe ka kuwerenga nkhani kapena nthano

Luso : Kuwerenga

Nthawi: Maola 4

Chigawo: Chachiwiri

Chiyambi

Munaphunzirapo kuti limodzi mwa maluso a chiyankhulo ndi kuwerenga. Luso la kuwerenga limaphunzitsidwa kupiyolera mu zolemba zosiyanasiyana monga nkhani kapena nthano.

Mphunzitsi aliyense asanaphunzitse nkhani kapena nthano amayenera kuzindikira ndondomeko yoyenera kutsatira.

Pamene ophunzira akuphunzira kuwerenga mu Sitandade 3 mpaka 8 amayenera kukhala ndi chidwi chachikulu pa kuwerengako kuti amvetse bwino zomwe akuwerengazo. Choncho mphunzitsi akuyenera kutsatira ndondomeko yoyenera pophunzitsa nthano kapena nkhani.

M'mutu uno, muphunzira ndondomeko yophunzitsira kuwerenga nkhani kapena nthano. Mufotokoza njira zothandiza kumvetsa nkhani. Kenaka, musonyeza kaphunzitsidwe ka kuwerenga nkhani kapena nthano mu Sitandade 3 mpaka 8.

Zizindikiro za kakhozedwe

Pakutha pa mutu uno, ophunzira asonyeza kaphunzitsidwe ka kuwerenga nkhani kapena nthano mu Sitandade 3 mpaka 8.

Mawu otsogolera

Kutsatira ndondomeko pophunzitsa kuwerenga kumathandiza ophunzira akupulayimale kukhala ndi chidwi pa phunziro komanso kutsatira phunziro la kuwerenga mosavuta. Mphunzitsi ayenera kutsata ndondomeko yoyenera pophunzitsa kuwerenga kuti akulitse luso la kuwerenga mwa ophunzira. Mphunzitsi amalephera kuthandiza bwino ophunzira kuchita ntchito zosiyanasiyana potsatira zomwe awerenga ngati ophunzirawo ali ndi vuto la kuwerenga. Choncho ndi koyenera kuti mphunzitsi azigwiritsa ntchito njira zosiyanasiyana zothandiza ophunzira akupulayimale kumvetsa zomwe awerenga.

Ntchito 1: Kulemba ndondomeko yophunzitsira kuwerenga nkhani kapena nthano

- 1 Kambiranani ndondomeko yophunzitsira kuwerenga nkhani kapena nthano mu Sitandade 3 mpaka 8.
- 2 Kambiranani kufunika kwa mfundo iliyonse ya mu ndondomeko.

- 3 Lembani ndondomeko yomwe mwakambirana.
- 4 Sonyezani anzanu ndondomeko yomwe mwalemba.

Malangizo kwa mphunzitsi
 Mulemberetu ndondomeko yophunzitsira kuwerenga nkhani kapena nthano mu Sitandade 3 mpaka 8.

Ntchito 2 Kufotokoza njira zothandiza kumvetsa nkhani kapena nthano mu Sitandade 3 mpaka 8

- 1 Kambiranani njira zosiyaniyana zomwe mukudziwa zomwe mphunzitsi angagwiritse ntchito zothandizira ophunzira kumvetsa nkhani kapena nthano.
- 2 Chitani kafukufuku wa njira zothandizira ophunzira kumvetsa nkhani kapena nthano.
- 3 Fotokozerani anzanu zomwe mwapeza.

Malangizo kwa mphunzitsi

- Muonetsetse kuti muli ndi mabuku okwanira komanso oyenera othandiza ophunzira kuchita kafukufuku.
- Mupezeretu njira zothandiza kumvetsa nkhani.
- Muombe mkota pa zimene ophunzira akambirana.

Ntchito 3: Kusonyeza kaphunzitsidwe ka nkhani

**kapena nthano mu
 Sitandade 3 mpaka 8**

- 1 Sonyezani momwe mungaphunzitsire kuwerenga nkhani kapena nthano mu Sitandade 3 mpaka 8 pogwiritsa ntchito njira zosiyaniyana zothandiza ophunzira kumvetsa nkhani.
- 2 Zukutani phunziro lililonse.

Malangizo kwa mphunzitsi

- Mukonzeretu ndondomeko yozukutira phunziro.
- Muonetsetse kuti ophunzira agwiritsa ntchito njira zosiyaniyana zothandiza ophunzira kumvetsa nkhani kapena nthano mu Sitandade 3 mpaka 8.

Kufotokoza mwachidule

M'mutu uno, mwaphunzira kulemba ndondomeko yophunzitsira kuwerenga nkhani kapena nthano. Mwaphunzira njira zosiyaniyana zothandizira ophunzira kumvetsa nkhani kapena nthano. Kenaka, mwasonyeza momwe mungphunzitsire kuwerenga nkhani kapena nthano mu Sitandade 3 mpaka 8.

Kudziunika ndi kudziyesa

1. Fotokozani ubwino wotsatira ndondomeko yophunzitsira kuwerenga nkhani kapena nthano mu Sitandade 3 mpaka 8.

2. Ndi mavuto otani omwe mphunzitsi angakumane nawo ngati sakutsatira ndondomeko yophunzitsira kuwerenga nkhani kapena nthano mu Sitandade 3 mpaka 8?
3. Fotokozami njira zothandizira ophunzira kumvetsa nkhani kapena nthano mu Sitandade 3 mpaka 8.

Matanthauzo a mawu

Ndondomeko yophunzitsira

mndandanda kapena
tsatanetsatane wa mfundu
zoyenera kutsatira pophunzitsa
ntchito zosiyanasiyana

Mabuku

Malawi Institute of Education. *Student teacher's handbook 3*. Domasi:
Malawi Institute of Education.

Malawi Institute of Education. *Student teacher's handbook 4*. Domasi:
Malawi Institute of Education.

Malawi Institute of Education. *Student teacher's handbook 5*. Domasi:
Malawi Institute of Education.

Ministry of Education, Science and
Technology (2005). Buku la
Mphunzitsi. Domasi: MIE.

Kuwerenga koonjezera

Chauma, A.M. et al (2009). *LED 502: Theories and approaches to literature teaching*. Faculty of Education, Chancellor College (UCE Module).

Ngara, N.E. (1984). *Teaching literature in Africa: Principles and techniques*. Harare: Zimbabwe Educational Books.

- Nuttal, C. (1982). *Teaching reading skills in foreign language*. Oxford: Heineman.
- Riley, J. (2004). *Teaching language and literature*. Nelson Thornes Ltd: Cheltenham.
- Staiger, R.C. (1973). *The teaching of reading*. Paris: UNESCO and Grinn and Company.

MUTU 7 Kuwerenga mabuku oonjezera

Luso : Kuwerenga
Nthawi: Maola 3
Chigawo: Chachiwiri

Chiyambi

Ophunzira akupulayimale ayenera kuwerenga mabuku oonjezera. Luso lotereli ndi lothandiza pa maphunziro awo ndi ntchito zosiyansiyana zomwe adzagwire mtsogolo. Kuwerenga mabuku oonjezera kumathandiza ophunzira kukuza nkhokwe ya mawu ndi kagwiritsidwe ntchito ka mawu m'chiganizo kapnea m'nhani. Iwo amaphunzira momwe alembi osiyanasiyana amagwiritsiria ntchito mawu osiyanasiyana mu nkhani. Kuwerenga mabuku oonjezera kumathandiza kukulitsa chidwi chowerenga mabuku.

M'mutu uno, muphunzira kaphunzitsidwe ka kuwerenga mabuku oonjezera.

Zizindikiro za kakhozedwe

Pakutha pa mutu uno, ophunzira asonyeza kaphunzitsidwe ka kuwerenga mabuku oonjezera mu sitandade 1 mpaka 8.

Mawu otsogolera

Mphunzitsi ayenera kophunzitsa ophunzira kuwerenga mabuku oonjezera. Lusoli ndi lofunika kwambiri chifukwa limathandiza ophunzira kudziwa mawu osiyanasiyana ndi

momwe angawgwiritsire ntchito. Kuwerenga mabukua oonjezera kumathandizano kudziwa momwe angagwiritsire ntchito mawu omwe awadziwa polemba ntchito zosiyansiyana zomwe akuphunzira. Lusoli liwathandizano pa ntchito zomwe adzagwire mtsogolo monga zomwe zidzafune kuwerenga mabuku oonjezera nzeru.

Ntchito 1: Kukambirana kufunika kowerenga mabuku oonjezera

- 1 Kambiranani kufunika kowerenga mabuku oonjezera.
- 2 Lembani zomwe mwakambirana.
- 3 Fotokozerani anzanu zomwe mwalembo.
- 4 Perekani maganizo anu pa ntchito yomwe anzanu achita.

Malangizo kwa mphunzitsi

- Mufufuziretu mfundo zosonyeza kufunika kophunzitsa kuwerenga mabuku oonjezera.
- Muombe mkota pa ntchito yomwe ophunzira achita.

Ntchito 2. Kupereka zitsanzo za mabuku oonjezera

- 1 Kambiranani zitsanzo za mabuku oonjezera.
- 2 Lembani zomwe mwakambirana.
- 3 Fotokozerani anzanu zomwe mwalembo.

- 4 Perekani maganizo anu pa zitsanzo zomwe anzanu apereka.

Malangizo kwa mphunzitsi

- Mufufuze zitsanzo za mabuku oonjezera.
- Muombe nkota pa zitsanzo

Ntchito 3: Kufotokoza ndondomeko yophunzitsira kuwerenga mabuku oonjezera

- 1 Kambiranani ndondomeko yophunzitsira mabuku oonjezera.
- 2 Lembani zomwe mwakambilana.
- 3 Fotokozerani anzanu zomwe mwalemba.
- 4 Perekani maganizo anu pa ntchito yomwe anzanu achita.

Malangizo kwa mphunzitsi

- Mupezeretu ndondnomeko yophunzitsira mabuku oonjezera
- Muombe mkota pa ntchito yomwe ophunzira achita
- Fotokozerani anzanu zomwe mwalemba

Ntchito 4: Kuonerera phunziro lophunzitsira kuwerenga mabuku oonjezera

- 1 Kambiranani mfundu zoyenera kutsatira powerenga mabuku oonjezera.
 - a Kodi mphunzitsi akutsatira ndondomeko yophunzitsira kuwerenga mabuku oonjezera?
 - b Kodi mphunzitsi akutsatira dongosolo loonetsetsa kuti

ophunzira akumvetsa zomwe akuphunzira?

- c Kodi phunziro latenga nthawi yochuluka bwanji?
- d Lembani zina zomwe mwaona.

Malangizo kwa mphunzitsi

- Onetsetsani kuti ophunzira akudziwa zoyenera kuchita poonerera phunziro.
- Limbikitsani ophunzira kulemba zomwe akuona.

Ntchito 5: Kusonyeza kaphunzitsidwe ka kuwerenga mabuku oonjezera

- 1 Unikani ndondomeko yophunzitsira kuwerenga mabuku oonjezera.
- 2 Sonyezani momwe mungaphuzitsire kuwerenga mabuku oonjezera.
- 3 Perekani maganizo anu pa ntchito yomwe anzanu achita.

Malangizo kwa mphunzitsi
Muombe mkota pa ntchito yomwe ophunzira achita.

Kufotokoza mwachidule

M'mutu uno, mwaphunzira kufunika kowerenga mabuku oonjezera.

Mwapereka zitsanzo, mwafotokozanso ndondomeko yophunzitsira kuwerenga mabuku oonjezera. Pomaliza, mwaphunzitsa ndi kuzukuta phunziro la kuwerenga mabuku oonjezera.

Kudziunika ndi kudziyesa

- 1 Fotokozani kufunika kophunzitsa kuwerenga mabuku oonjezera.
- 2 Tchulani zitsanzo zinayi za mabuku oonjezera.
- 3 Fotokozani njira zomwe mphunzitsi angatsatire kuti apeze mabuku oonjezera ophunzitsira ku kalasi lake.
- 4 Ndi mavuto otani omwe mphunzitsi angakumane nawo ngati sangatsatire ndondomeko yophunzitsira kuwerenga mabuku oonjezera?

Matanthauzo a mawu

Mabuku oonjezera: mabuku apadera omwe ophunzira amawerenga kuonjezera pa mabuku a ophunzira.

Mabuku

Malawi Institute of Education (2008).

IPTE English Lecturers handbook.
Domasi: MIE.

Department of Teacher Education and Development (2009). Initial Primary Teacher Education through Open and Distance Learning English (Module 3).

Malawi Institute of Education (2017).

National Reading Programme Teachers guides for Standard 1.
Domasi: MIE.

MUTU 8 Kaphunzitsidwe ndi kayesedwe ka kulemba mwaluso ndi kulemba zidziwitso

Luso : Kulemba

Nthawi: Maola 2

Chigawo: Chachiwiri

Chiyambi

Kulemba mwaluso ndi kulemba kumene mphunzitsi amaphunzitsa ophunzira ake kulemba moyenera kuti malembowo aoneke bwino komanso awerengeke. Ophunzira amalemba malembo owerengeka ngati aphunzitsidwa moyenera. Zina zomwe ophunzira amaphunzira kulemba ndi zidziwitso. Zidziwitso zilipo za mitundu yosiyanasiyana.

M'mutu uno, muphunzira kaphunzitsidwe ka kulemba mwaluso. Poyamba mukambirana kalembedwe ka ndondomeko yophunzitsira kulemba mwaluso. Kenaka musonyeza kaphunzitsidwe ka phunziro la kulemba mwaluso ndi kulemba zidziwitso.

Zizindikiro za kakhozedwe

Pakutha pa mutu uno, ophunzira:

- asonyeza kaphunzitsidwe ka kulemba mwaluso.
- alemba zidziwitso zosiyanasiyana.

Mawu otsogolera

Kulemba mwaluso ndi luso limene mphunzitsi aliyense ayenera kukhala nalo. Ophunzira adzadziwa kulemba zooneka bwino ndi zowerengekapoonera ndi kutsanzira momwe aphunzitsi awo akulemba. Choncho

ndi bwino kuti ophunzira aphunzitsidwe kulemba mwaluso. Mphunzitsi naye adziwe bwino ndondomeko yotsatira pophunzitsa kulemba mwaluso.

Kuzindikira ndi kulemba zidziwitso nakonso n'kofunika kwa ophunzira. Choncho mphunzitsi ayenera kuzindikira mitundu yosiyanasiyana ya zidziwitso, matanthauzo ndi kaphunzitsidwe kake.

Ntchito 1: Kukambirana ndondomeko yophunzitsira kulemba mwaluso

- 1 Fufuzani kalembedwe kaluso kuchokera m'mabuku osiyanasiyana a aphunzitsi ndi a ophunzira.
- 2 Kambiranani ndondomeko yomwe mungatsatire pophunzitsa kulemba mwaluso mu Sitandade 1 mpaka 4.
- 3 Kambiranani ndondomeko yomwe mungatsatire pophunzitsa kulemba mwaluso mu Sitandade 5 mpaka 8.
- 4 Lembani ndondomeko zomwe mwakambirana.
- 5 Fotokozerani anzaru zomwe mwakambirana.

Malangizo kwa mphunzitsi

Muongetsetse kuti ophunzira aona kalembedwe kaluso ka malembo koyenera.

Ntchito 2: Kusonyeza kaphunzitsidwe ka phunziro la kulemba mwaluso

- 1 Sonyezani kaphunzitsidwe ka phunziro la kulemba mawu ndi ziganizo mwaluso potsatira ndondomeko yomwe mwalemba.
- 2 Zukutani phunziro lililonse lomwe laphunzitsidwa.

Malangizo kwa mphunzitsi

- Mupezeretu mfundo zoyenera kuyang'ana pozukuta phunziro la kulemba mwaluso.
- Ophunzira aphunzitse mu Sitandade 1 mpaka 4 komanso mu Sitandade 5 mpaka 8.

Ntchito 3: Kuzindikira ndi kulemba zidziwitso zosiyanasiyana

- 1 Kambiranani zidziwitso zomwe mumaziona m'malo osiyanasiyana ndi ntchito zake.
- 2 Lembani zidziwitsozo.
- 3 Onetsani anzalu zomwe mwalemba.
- 4 Fotokozerani anzalu zomwe mwakambirana.

Malangizo kwa mphunzitsi

- Mupezeretu zitsanzo za zidziwitso ndi ntchito zake.
- Mukonzeretu ndondomeko yophunzitsira kalembedwe ka zidziwitso.

Ntchito 4: Kuphunzitsa zidziwitso zosiyanasiyana

- 1 Kambiranani ndondomeko yophunzitsira zidziwitso.

- 2 Sonyezani momwe mugaphunzitsire phunziro la kuzindikira ndi kulemba zidziwitso.

Malangizo kwa mphunzitsi

Muombe mkota pa momwe ophunzira aphunzitsira phunziroli.

Kufotokoza mwachidule

M'mutu uno, mwaphunzira kaphunzitsidwe ka kulemba mwaluso. Mwaphunzirano momwe mungaphunzitsire zidziwitso zosiyanasiyana monga zodziwitsa ndi zolangiza. Potsiriza, mwasonyeza momwe mungaphunzitsire kulemba mwaluso ndi kulemba zidziwitso zosiyanasiyana.

Kudziunika ndi kudziyesa

- 1 Fotokozani kalembedwe ka ndondomeko yophunzitsira kulemba mwaluso.
- 2 Ndi ubwino wotani womwe ungakhalepo ngati mphunzitsi aperekira chitsanzo chabwino polemba?
- 3 Tchulani mitundu inayi ya zidziwitso.

Matanthauzo a mawu

Kulemba mwaluso kusindikiza malembo moyenera kuti aoneke bwino

MABUKU

Malawi Institute of Education. *Student teacher's handbook 3.* Domasi:

Malawi Institute of Education.

Malawi Institute of Education. *Student teacher's handbook 4.* Domasi:

Malawi Institute of Education.

Malawi Institute of Education. *Student teacher's handbook 5*. Domasi: Malawi Institute of Education.

Ministry of Education, Science and Technology (2005). Buku la Mphunzitsi. Domasi: MIE.

MUTU 9 Kaphunzitsidwe ndi kayesedwe ka kulemba lembetso

Luso : Kulemba
Nthawi: Maola 2
Chigawo: Chachiwiri

Chiyambi

Kulemba lembetso ndi kulemba kumene ophunzira amalemba zimene mphunzitsi akuwerenga. Kuchita zimenezi kumathandiza kuti ophunzira akulitse luso la kumva komanso la kulemba. N'kofunika kuti aphunzitsi adziwe momwe angaphunzitsire phunziro la lembetso.

M'mutu uno, mufotokoza kufunika kwa lembetso ndi njira zochongera lembetso. Mufotokozanso ndondomeko yophunzitsira kulemba lembetso. Pomaliza, musonyeza kaphunzitsidwe ka kulemba lembetso.

Zizindikiro za kakhozedwe

Pakutha pa mutu uno, ophunzira:

- afotokoza njira zochongera lembetso.
- asonyeza kaphunzitsidwe ka kulemba lembetso.

Mawu otsogolera

Mphunzitsi akuyenera kuchita ntchito zosiyanasiyana pofuna kuthandiza ophunzira kukulitsa luso la kulemba. Imodzi mwa ntchito zomwe mphunzitsi angachite ndi ophunzira ndi kulemba lembetso. Pamene mphunzitsi akuphunzitsa lembetso,

ayenera kutsatira ndondomeko moyenera.

Ntchito 1: Kufotokoza kufunika kwa lembetso

- 1 Kambiranani kufunika kwa lembetso.
- 2 Lembani zomwe mwakambirana.
- 3 Fotokozerani anzanu zomwe mwakambirana.

Malangizo kwa mphunzitsi

Mufufuziretu mfundo zosonyeza kufunika kwa lembetso.

Ntchito 2: Kufotokoza ndondomeko yophunzitsira kulemba lembetso

- 1 Kambiranani kalembedwe ka lembetso.
- 2 Kambiranani ndondomeko yophunzitsira lembetso.
- 3 Lembani zomwe mwakambirana.
- 4 Fotokozerani anzanu zomwe mwalembo.

Malangizo a mphunzitsi

Muonetsetse kuti muli ndi ndondomeko yophunzitsira lembetso.

Ntchito 3: Kufotokoza njira zochongera lembetso

- 1 Kambiranani njira zochongera lembetso.
- 2 Kambiranani ubwino ndi kuipa kwa njira iliyonse.
- 3 Kambiranani zizindikiro zomwe mungagwiritse ntchito pochonga lembetso.

- 4 Lembani zomwe mwakambirana.
- 5 Fotokozerani anzanu zomwe mwalemba.

Malangizo kwa mphunzitsi

Mufufuziretu njira, ubwino ndi kuipa kwa njira iliyonse komanso zizindikiro zochongera lembetso.

Ntchito 4: Kusonyeza kaphunzitsidwe ka kulemba lembetso

- 1 Phunzitsani kulemba lembetso ndi zidziwitso pogwiritsa ntchito ndondomeko yomwe mwakonza.
- 2 Chongani lembetso pogwiritsa ntchito njira zomwe mwakambirana.
- 3 Perekani maganizo anu pa ntchito yomwe anzanu achita.

Malangizo kwa mphunzitsi

Muombe mkota pa ntchito yomwe ophunzira achita.

Kufotokoza mwachidule

M'mutu uno, mwaphunzira kufunika kolembetsa ophunzira lembetso.
Mwafotokoza ndondomeko yophunzitsira kulemba lembetso.
Potsiriza, mwasonyeza momwe mungaphunzitsire ndi kuzukuta phunziro la kulemba lembetso.

Kudziunika ndi kudziyesa

- 1 Fotokozani ndondomeko yophunzitsira kulemba lembetso.
- 2 Fotokozani momwe mungachongere lembetso.
- 3 Mungachite chiyani pofuna kuthandiza ophunzira kuti azilemba mawu moyenera?

Matanthauzo a mawu

Lembetso kulemba mawu ndi ziganizo zomwe wina akuwerenga

Mabuku

Malawi Institute of Education (2008).

Maphunziro a m'sukulu zauphunzitsi m' Malawi buku la mphunzitsi. Domasi: MIE.

Unduna wa za maphunziro (1998).

MIITEP Student teachers handbook 3 (Revised draft version). Domasi: MIE.

Kuwerenga koonjezera

Grant, M. (1978) *School methods with younger Children: A Handbook for Teachers in Africa*. Nairobi: Evans Brothers Limited.

MUTU 10 Kaphunzitsidwe ka kulemba chimangirizo

Luso : Kulemba

Nthawi: Maola 3

Chigawo: Chachiwiri

Chiyambi

Kulemba chimangirizo kumathandiza kukulitsa luso la kulemba. Ophunzira akuyenera kuphunzira lusoli akadali aang'ono. Cholinga chake ndi choti pamene akukula azikulira limodzi ndi lusoli. Kulemba chimangirizo ndi njira imene imathandiza kusunga nkhanzi pofotokoza maganizo athu enieni komanso kuphunzitsa ena kuti adziwe za zinthu zomwe zalembedwa mu chimangirizocho.

M'mutu uno, muphunzira momwe mungaphunzitsire kulemba chimangirizo.

Zizindikiro za kakhozedwe

Pakutha pa mutu uno, ophunzira:

- afotokoza njira zophunzitsira chimangirizo mu Sitandade 3 mpaka 8.
- asonyeza kaphunzitsidwe ka kulemba chimangirizo mu Sitandade 3 mpaka 8.

Mawu otsogolera

Pali mitundu yosiyanasiyana ya chimangirizo. Ina mwa iyo ndi chimangirizo chofotokoza nkhanzi yochitika; chofotokoza za anthu, makhalidwe, maonekedwe ndi kapangidwe ka zinthu; chimangirizo cha nkhanzi yopeka ndi chimangirizo cha

mtsutso. Chimangirizo cha mtsutso chimafotokoza mbali ziwiri za mutu wa nkhanzi: mbali imodzi yovomereza, ina yotsutsana ndi mutu wa nkhanziyo.

Magawo a chimangirizo

Chimangirizo cholemedwa bwino chimakhala ndi magawo anayi motere:

Mutu wa nkhanzi

Mutu wa nkhanzi ukhoza kukhala mawu amodzi kapena ochulukirapo. Mutuwa ukuyenera kufotokoza mwachidule zomwe zifotokozedwe m'nkhanzi. Izi zimathandiza kuti owerenga kapena ophunzira alosere zomwe awerenge pogwiritsa ntchito mutu wa chimangirizocho.

Chiyambi

Chiyambi ndi mawu otsogolera omwe amalemedwa mu ndime yoyamba. Ndimeyi imafotokoza, kapena kutanthauzira mutu wa chimangirizo mwachidule.

Thunthu

Thunthu ndi tsatanetsatane wa mfundo zikuluzikulu m'nkhanzi. Mfundo iliyonse yaikulu imayenera kutambasulidwa mu ndime yakeyake. Mu ndime iliyonse mumakhala ziganizo zofotokozenza mfundo imodzi yaikulu.

Mathero

Mathero ndi ndime imene imaomba mkota. Ndimeyi imafotokoza mwachidule zomwe zalembedwa mu thunthu la chimangirizocho.

Zoyenera kuganizira polemba chimangirizo

Pali mfundo zoyenera kuganizira polemba chimangirizo. Zina mwa izo ndi zotsatirazi:

- Pezani mutu womwe mungathe kupeza mfundo zikuluzikulu zomwe zingakuthandizeni kulemba chimangirizo chosangalatsa.
- Lembani padera chikonzekero cha mfundo zomwe mukufuna kulemba. Mfundu iliyonse ikhale ndi ndime yakeyake komanso yolukana bwino.
- Nsinjiro za chiyankhulo ndi zofunika kuzigwiritsa ntchito mu chimangirizo.
- Pewani kugwiritsa ntchito mawu achipongwe kapena olaula.
- Lembani malembo ooneka bwino, okongola komanso owerengeka.

Ntchito 1: Kulemba chimangirizo mu Sitandade 3 ndi 4

- 1 Pezani ntchito za chimangirizo m'mabuku a aphunzitsi ndi a ophunzira a Sitandade 3 ndi 4.
- 2 Kambiranani zomwe mwapeza.
- 3 Kambiranani njira zophunzitsira chimangirizo mu ntchito zomwe mwapeza.
- 4 Fotokozerani anzanu zomwe mwakambirana.

Malangizo kwa mphunzitsi
Onetsetsani kuti muli ndi mfundo zothandiza kuyesa kalembedwe koyenera ka chimangirizo.

Ntchito 2: Kulemba ndondomeko yophunzitsira chimangirizo mu Sitandade 3 ndi 4

- 1 Lembani ndondomeko yomwe mungatsatire pophunzitsa kulemba chimangirizo. Gwiritsani ntchito mabuku a aphunzitsi ndi a ophunzira a Sitandade 3 ndi 4.
- 2 Fotokozerani anzanu zomwe mwalemba.
- 3 Perekani maganizo anu pa zomwe anzanu afotokoza.

Malangizo kwa mphunzitsi

- Mukonzeretu ndondomeko ya phunziro la kulemba chimangirizo.
- Muonetsetse kuti aphunzitsi akuyesa ophunzira pamene akuphunzitsa.

Ntchito 3: Kuonerera phunziro lophunzitsa kulemba chimangirizo mu Sitandade 3 ndi 4

- 1 Kambiranani mfundo zoyenera kutsatira poonerera phunziro lophunzitsa kulemba chimangirizo mu Sitandade 3 ndi 4.
 - Kodi mphunzitsi akutsatira ndondomeko yophunzitsira kulemba chimangirizo mu Sitandade 3 ndi 4?
 - Kodi mphunzitsi akutsatira dongosolo loonetsetsa kuti ophunzira akumvetsa zomwe akuphunzira?
 - Kodi phunziro latenga nthawi yochuluka bwanji?

- Lembani zina zomwe mwaona.

Malangizo kwa mphunzitsi

- Onetsetsani kuti ophunzira akudziwa zochita poonerera phunziro.
- Limbikitsani ophunzira kulemba zomwe akuona.

Ntchito 4: Kusonyeza kaphunzitsidwe ka phunziro lolemba chimangirizo

- 1 Kambiranani m'magulu momwe mungaphunzitsire kulemba chimangirizo
- 2 Phunzitsani anzanu phunziro lomwe mwakonza
- 3 Kambiranani momwe phunziro layendera.

Malangizo kwa mphunzitsi

- Onetsetsani kuti ophunzira akutsatira ndondomeko pophunzitsa.
- Muombe mkota pa ntchito yomwe ophunzira achita.

Ntchito 5: Kulemba chimangirizo m'Sitandade 5 mpaka 8

- 1 Kambiranani mwakuya mfundo zoyenera kutsatira polemba chimangirizo zomwe zili m'mutu uno.
- 2 Lembani chimangirizo potsatira mfundo zomwe mwakambirana.
- 3 Werengerani chimangirizo chanu kwa kalasi lonse.
- 4 Zukutani zimangirizo zomwe mwalemba.

Malangizo kwa mphunzitsi

Onetsetsani kuti muli ndi mfundo zothandiza kuyesa kalembedwe koyenera ka chimangirizo.

Ntchito 6: Kusonyeza kaphunzitsidwe ka kulemba chimangirizo m'Sitandade 5 mpaka 8

- 1 Kambiranani ndondomeko yomwe mungatsatire pophunzitsa kulemba chimangirizo. Gwirtsani ntchito mabuku a aphunzitsi ndi a ophunzira a Sitandade 5 mpaka 8.
- 2 Lembani ndondomeko yomwe mwakambirana.
- 3 Fotokozerani anzanu zomwe mwakambirana.
- 4 Sonyezani momwe mungaphunzitsireni phunziro la kulemba chimangirizo potsatira ndondomeko yomwe mwalemba.
- 5 Zukutani phunziro lililonse.

Malangizo kwa mphunzitsi

- Mukonzeretu ndondomeko ya phunziro la kulemba chimangirizo.
- Muonetsetse kuti aphunzitsi akuyesa ophunzira pamene akuphunzitsa.

Kufotokoza mwachidule

M'mutu uno, mwaphunzira mitundu ya chimangirizo, magawo a chimangirizo ndi mfundo zoyenera kutsatira polemba chimangirizo. Mwaphunziranso ndondomeko yophunzitsira kulemba chimangirizo komanso njira zoyesera ophunzira. Pomaliza, mwaphunzitsa

ndi kuzukuta phunziro la kulemba chimangirizo.

(Revised draft version).
Domasi: MIE.

Kudziunika ndi kudziyesa

- 1 Fotokozani mfundo zoyenera kutsatira polemba chimangirizo.
- 2 Fotokozani njira zoyesera ophunzira zomwe mungagwiritse ntchito pophunzitsa kulemba chimangirizo.
- 3 Mukuganiza kuti ndi mtundu uti wa chimangirizo womwe ndi wovuta kuphunzitsa? Perekani zifukwa.

Matanthauzo a mawu

Chimangirizo: dongosolo la maganizo omwe mlembi amalemba pa mutu womwe wapatsidwa kapena wasankha kuti aufotokoze mokwanira.

Mabuku

Malawi Institute of Education (2008).

Maphunziro a m'sukulu zauphunzitsi m'Malawi. Buku la mphunzitsi. Domasi: MIE.

Kuwerenga koonjezera

Centre for Language Studies (2000).

Mtanthauzira mawu wa Chinyanja. Blantyre: Dzuka Publishing Company Limited.

Ngoma, S.J.L. et al (2011). *Tizame m'Chichewa malamulo ophunzitsira ndi kuphunzirira Chichewa.* Blantyre: Bookland International.

Unduna wa za maphunziro (1998).

Student teachers handbook 3

MUTU 11 Kaphunzitsidwe ka kulemba kalata

Luso : Kulemba

Nthawi: Maola 3

Chigawo: Chachiwiri

Pali mitundu iwiri ya kalata. Mitunduyi ndi kalata yaubale ndi kalata yantchito. Ophunzira akuyenera kudziwa mitundu yonseyi.

Chiyambi

Kulemba kalata ndi imodzi mwa njira zomwe anthu amagwiritsa ntchito potumiza mauthenga. Kale mafoni ndi makompyuta asanabwere anthu ankagwiritsa ntchito makalata pofuna kutumizirana mauthenga. Masiku ano anthu akupitirizabe kutumizirana mauthenga polemba kalata.

Mwachitsanzo, pali mauthenga ena omwe amalembedwa ngati kalata pamene tikugwiritsa ntchito foni kapena kompyuta. Foniyo kapena kompyutayo imakhala ngati njira yotumizira kalata yathuyo. Choncho n'koyenera kuti ophunzira aphunzitsidwe kalembedwe ka kalata kuti izikhala yomveka bwino.

M'mutu uno, muphunzira momwe mungaphunzitsire kalembedwe ka kalata.

Zizindikiro za kakhozedwe

Pakutha pa mutu uno, ophunzira asonyeza kaphunzitsidwe ka kulemba kalata.

Mawu otsogolera

Mphunzitsi ayenera kuphunzitsa ophunzira kalembedwe ka kalata. Ophunzira ataphunzira kulemba kalata adzatha kutumizirana mauthenga osiyanasiyana ngakhale pogwiritsa ntchito foni kapena kompyuta.

Ntchito 1: Kufotokoza kalembedwe ka kalata m'Sitandade 3 ndi 4

- 1 Tumiziranani mauthenga osiyanasiyana pogwiritsa ntchito ma fori anu ngati njira imodzi yotumizirana mauthenga.
- 2 Kambiranani za njira zosiyanasiyana zotumizirana mauthenga.
- 3 Pezani ntchito zophunzitsa kulemba kalata m'mabuku a mphunzitsi a Sitandade 3 ndi 4.
- 4 Kambiranani zomwe mwapeza.
- 5 Fotokozerani anzaru zomwe mwakambirana.
- 6 Kambiranani ndondomeko yophunzitsira kalata yomwe ili mu ntchito zomwe mwapeza.
- 7 Sonyezani anzaru zomwe mwakambirana.

- Muonetsetse kuti muli ndi mabuku okwanira oti ophunziragwiritse ntchito.
- Muonetsetse kuti muli ndi ndondomeko yophunzitsira kalembedwe ka kalata ka m'Sitandade 3 ndi 4.

Ntchito 2: Kusonyeza kaphunzitsidwe ka kulemba kalata m'Sitandade 3 ndi 4

- 1 Kambiranani momwe mungaphunzitsre phunziro la kulemba kalata pogwiritsa ntchito mabuku a aphunzitsi and a ophunzira a Sitandade 3 mdi 4.
- 2 Sonyezani momwe mungaphunzitsre phunziro la kulemba kalata.
- 3 Kumbukirani kuyesa ophunzira pa nthawi yomwe mukuphunzitsa.
- 4 Zukutani phunziro lomwe anzanu aphunzitsa.

Malangizo kwa mphunzitsi
Mukonzeretu ndondomeko yozukutira phunziro.

Ntchito 3: Kufotokoza kalembedwe ka kalata mu Sitandade 5 mpaka 8

- 1 Kambiranani za kalembedwe ka kalata m'Sitandade 5 mpaka 8 potsatira mitundu yake.
- 2 Gwiritsani ntchito buku la mphunzitsi ndi la ophunzira kuti muone momwe alembi ena adalembra mitundu iwiriyi ya kalata.
- 3 Lembani makalata a mitundu iwiri.
- 4 Werengerani anzanu makalata omwe mwalembo

Malangizo kwa mphunzitsi
Muonetsetse kuti muli ndi zitsanzo za mitundu iwiri ya kalata.

Ntchito 4: Kusonyeza kaphunzitsidwe ka kulemba kalata m'Sitandade 5 mpaka 8

- 1 Kambiranani momwe mungaphunzitsire phunziro la kulemba kalata m'Sitandade 5 mpaka 8.
- 2 Phunzitsani phunziro la kulemba kalata.
- 3 Kumbukirani kuyesa ophunzira pa nthawi yomwe mukuphunzitsa.
- 4 Zukutani phunziro lomwe anzanu aphunzitsa.

Malangizo kwa mphunzitsi
Mukonzeretu ndondomeko yozukutira phunziro.

Kufotokoza mwachidule

M'mutu uno, mwaphunzira mitundu iwiri ya kalata ndi kalembedwe kake. Kenaka mwasonyeza momwe mungaphunzitsire kalembedwe ka kalata ndi kuyesa ophunzira.

Kudziunika ndi kudziyesa

- 1 Fotokozani mitundu ya kalata.
- 2 Ndi njira ziti zomwe mungayesere ophunzira pa phunziro la kulemba kalata?
- 3 Chimwemwe akufuna kupeza malo a sukulu mu Sitandade 8 pa sukulu ya Kwerani. Walemba kalata yopempha malowo ndipo wabweretsa kwa inu kuti muiwerenge ndipo mwapeza kuti kalatayo yalembedwa molakwika. M'kalatayo walemba keyala imodzi, ilibe mutu komanso akupereka moni kwa mphunzitsi wamkulu wa pasukulu ya Kwerani. Ndi mfundo ziti zomwe zikuyenera kupeze ka m'kalata zomwe mungamulangize kuti alembe?

Mabuku

Malawi Institute of Education (2008).

*Maphunziro a M'sukulu
zauphunzitsi m'Malawi.* Buku
la mphunzitsi. Domasi: MIE.

Kuwerenga koonjezera

Centre for Language Studies (2000).

*Mtanthauzira mawu wa
Chinyanja.* Blantyre: Dzuka
Publishing Company Limited.

Ngoma, S.J.L. et al (2011). *Tizame
m'Chichewa malamulo*

*ophunzitsira ndi kuphunzirira
Chichewa.* Blantyre: Bookland
International.

Unduna wa za maphunziro (1998).
Student teachers handbook 3
(Revised draft version).
Domasi: MIE.

MUTU 12

Kaphunzitsidwe ka kulemba nkhani, nthano ndi sewero

Luso : Kulemba

Nthawi: Maola 2

Chigawo: Chachitatu

Chiyambi

Kulemba nkhani, nthano ndi sewero ndi ntchito yomwe ophunzira akupulayimale ayenera kuphunzira. Kuti ophunzira alembe ntchitoyi mwaluso, n'koyenera kuti aphunzire kusarja mfundo potsata ndondomeko zoyenera. Kulemba nkhani, nthano ndi sewero kumathandiza kusunga mbiri ya anthu ndi malo omwe nkhanizo zachitikira. Aphunzitsi ayenera kudziwa kalembedwe kabwino ka ntchitozi kuti athandize ophunzira kulemba moyenera.

M'mutu uno, muphunzira momwe mungaphunzitsire kulemba nkhani, nthano ndi sewero.

Zizindikiro za kakhozedwe

Pakutha pa mutu uno, ophunzira asonyeza kaphunzitsidwe ka kulemba nkhani, nthano ndi sewero

Mawu otsogolera

Ophunzira ayenera kuphunzira kalembedwe ka nkhani, nthano ndi sewero. Kulemba nkhani, nthano ndi sewero kumathandiza ena kudziwa zomwe wolembayo akuganiza. Lusoli likakula mwa ophunzira, lidzawathandiza kugwira ntchito zokhudza kulemba mopatsa chidwi.

Chotero n'kofunika kuti mphunzitsi azidziwa bwino kalembedwe ka ntchitozi kuti azithandiza ophunzira kulemba moyenera.

Polemba nkhani, nthano ndi sewero mulembi ayenera kutsata mfundo zoyenera monga izi:

- Kusankha mutu wosavuta kupeza mfundo zomwe zingawasangalase anthu zikatambasulidwa
- Mutu wake uzikhala wolingana ndi nzeru za ophunzira
- Osalemba mawu achipongwe kapena olaula
- Malembo azikhala owerengeka
- Chiganizo chilichonse choyambirira m'ndime chizikhala ndi mfundo yaikulu
- Mfundu yaikulu izitambasulidwa ndi mfundo zazing'onozing'ono zingapo zothandizira kufotokoza mfundo yaikuluyo
- Ndime ziziyalidwa mu dongosolo loyenera potsatira kufunika kwake
- Pomaliza pa ndime iliyonse pazikhala mfundo yoomba mkota
- Nkhani, nthano ndi sewero zizikhala zosangalatsa poziwerenga kuti owerenga akhale ndi chidwi
- Mlembi akatha kulemba, aziwerenganso zomwe walemba ndi kukonza zomwe zalakwika

Ntchito 1: Kufotokoza kalembedwe ka nkhani, nthano ndi sewero

- 1 Werengani nkhani, nthano kapena sewero kuchokera m'mabuku kapena m'nyuzipepala.
- 2 Zukutani zomwe mwawerenga poyan'ganira mfundu zoyenera kutsatira polemba nkhani, nthano ndi sewero.
- 3 Perekani maganizo anu pa zomwe mwazukuta.

Malangizo kwa mphunzitsi

- Muonetsetse kuti ophunzira awerenga nkhani, nthano ndi masewero olembedwa ndi anthu osiyanasiyana.
- Muombe mkota pa kufunika kotsatira mfundu zoyenera polemba nkhani, nthano ndi masewero.

Ntchito 2: Kulemba nkhani, nthano ndi sewero

- 1 Pekani ndi kulemba nkhani, nthano ndi sewero.
- 2 Sinthanani ndi anzanu zomwe mwalemba ndi kuona ngati mwatsatira mfundu zofunika polemba nkhani, nthano ndi sewero.
- 3 Kambiranani zofunika kukonza.

Malangizo kwa mphunzitsi

Muonetsetse kuti ophunzira alemba nkhani, nthano ndi sewero mosaonera zomwe ena adalemba kale.

Ntchito 3: Kusonyeza kaphunzitsidwe ka phunziro la kulemba nkhani, nthano ndi sewero

- 1 Kambiranani ndondomeko yophunzitsira kulemba nkhani, nthano ndi sewero kuchokera mu mabuku a aphunzitisi.
- 2 Sonyezani momwe mungaphunzitsire pogwiritsa ntchito ndondomeko yomwe mwakambirana.
- 3 Zukutani phunziro lomwe anzanu aphunzitsa.

Malangizo kwa mphunzitsi

Muonetsetse kuti ophunzira amvetsera ndondomeko ya phunziro la kulemba nkhani, nthano ndi sewero.

Kufotokoza mwachidule

M'mutu uno mwaphunzira mfundu zofunika kutsatira polemba nkhani, nthano ndi sewero. Mwapeka ndi kulemba nkhani, nthano ndi sewero. Pomaliza, mwasonyeza momwe mungaphunzitsire phunziro la kulemba nkhani, nthano ndi sewero.

Kudziunika ndi kudziyesa

- 1 Fotokozani kufunika kophunzitsa kulemba nkhani, nthano ndi sewero.
- 2 Tchulari mfundu zisanu zoyenera kutsata polemba nkhani, nthano ndi sewero.
- 3 Ndi mavuto otani omwe ophunzira akupulayimale angakumane nawo polemba nkhani, nthano kapena sewero?

Matanthauzo a mawu

Nkhani: zokamba kapena zolemba
zimene munthu amauza
anzake, zikhoza kukhala
zopeka kapena zochitika.

Nthano: Nkhani zopeka zimene
zimagwiritsa ntchito
mayima a nyama kapena a
anthu pofuna kuphunzitsa
chikhaldwe choyenera cha
anthu.

Mabuku

Malawi Institute of Education

(Unpublished). *Student teacher's handbook 3.* Domasi: MIE.

Malawi Institute of Education

(Unpublished). *Student teacher's handbook 4.* Domasi: MIE.

Malawi Institute of Education

(Unpublished). *Student teacher's handbook 5.* Domasi: MIE.

Ministry of Education, Science and
Technology (2005). *Buku la
Mphunzitsi.* Domasi:
Malawi Institute of Education.

MUTU 13 Kaphunzitsidwe ka kugwiritsa ntchito malamulo a chiyankhulo

Luso : Kulemba
Nthawi: Maola 5
Chigawo: Chachiwiri

Chiyambi

M'chigawo choyamba mudaphunzira mmene mungaphunzitsire malamulo a chiyankhulo monga mayina, alowam'malo, aneni ndi afotokozi. Malamulo a chiyankhulo awa ndi ofunika kwambiri chifukwa amathandiza kudziwa kusanja mawu ndi ziganizo kuti zipereke tanthauzo lomveka bwino.

M'mutu uno, mufotokoza zomwe zimalepheretsa ophunzira kugwiritsa ntchito malamulo a chiyankhulo molondola. Mufufuza njira zomwe zingathandize kuthetsa mavuto omwe ophunzira amakumana nawo pogwiritsa ntchito malamulo a chiyankhulo. Potsiriza, musonyeza kaphunzitsidwe ka phunziro la malamulo a chiyankhulo.

Zizindikiro za kakhozedwe

Pakutha pa mutu uno, ophunzira:

- afotokoza zomwe zimalepheretsa ophunzira akupulayimale kugwiritsa ntchito malamulo a chiyankhulo moyenera.
- asonyeza kaphunzitsidwe ka mitundu ya mawu ya muonjezi, mperekezi ndi mlumikizi.

Mawu otsogolera

Kugwiritsa ntchito malamulo a chiyankhulo ndi kofunika kwambiri chifukwa kumathandiza ophunzira kuyankhula, kuwerenga ndi kulemba Chichewa moyenera. Ophunzira ambiri akupulayimale amakumana ndi mavuto osiyanasiyana pogwiritsa ntchito malamulo a chiyankhulo. Choncho ndi kofunika kuti aphunzitsi aziphunzitsa pogwiritsa ntchito njira zoyenera kuthandiza ophunzira kukulitsa luso lawo pa kagwiritsidwe ntchito ka malamulo a chiyankhulo. Mphunzitsi angachite izi potsatira ndondomeko ndi njira zosiyanasiyana zophunzitsira ndi kuphunzirira phunziro la kugwiritsa ntchito malamulo a chiyankhulo.

Ntchito 1: Kufotokoza zomwe zimalepheretsa ophunzira kugwiritsa ntchito malamulo a chiyankhulo

- 1 Kambiranani zomwe zimalepheretsa ophunzira kugwiritsa ntchito malamulo a chiyankhulo.
- 2 Chitani kafukufuku wa njira zomwe zingathandize kuthetsa mavuto omwe ophunzira amakumana nawo pogwiritsa ntchito malamulo a chiyankhulo.
- 3 Fotokozerani anzaru zomwe mwapeza pa kafukufuku.

Malangizo kwa mphunzitsi

- Mukumbukire kuwapatsiratu ophunzira ntchitoyi kuti akhale ndi nthawi yokwanira yochita kafukufuku.
- Muombe mkota pa ntchito yomwe ophunzira achita.

Ntchito 2: Kuunika njira ndi ndondomeko zophunzitsira phunziro la kugwiritsa ntchito malamulo a chiyankhulo

- 1 Pezani njira zophunzitsira malamulo a chiyankhulo kuchokera m'mabuku a mphunzitsi.
- 2 Kambiranani njira ndi ndondomeko zophunzitsira phunziro la kugwiritsa ntchito malamulo a chiyankhulo.
- 3 Lembani zomwe mwakambirana.
- 4 Fotokozerani anzau zomwe mwalemba.

Malangizo kwa mphunzitsi

Muombe mkota pa ntchito yomwe ophunzira achita.

Ntchito 3: Kufotokoza mitundu ya mawu

- 1 Chitani kafukufuku wa mitundu ya mawu iyi: muonjezi, mperekezi ndi mlumikizi.
- 2 Kambiranani tanthauzo la muonjezi, mperekezi ndi mlumikizi.
- 3 Kambiranani mitundu ya aonjezi, aperekezi ndi alumikizi.
- 4 Kambiranani zitsanzo za aonjezi, aperekezi ndi alumikizi.

Malangizo kwa mphunzitsi

- Mukumbukire kuwapatsiratu ophunzira ntchitoyi kuti akhale ndi nthawi yokwanira yochita kafukufuku.
- Muombe mkota pa ntchito yomwe ophunzira achita.

Ntchito 4: Kusonyeza kaphunzitsidwe ka phunziro la kugwiritsa ntchito malamulo a chiyankhulo m'Sitandade 3 mpaka 8.

- 1 Sonyezani momwe mungaphunzitsire mitundu ya muonjezi, mperekezi ndi mlumikizi.
- 2 Zukutani phunziro lililonse.

Malangizo kwa mphunzitsi

- Mukonzeretu ndondomeko yozukutira phunziro.
- Muombe mkota pa zomwe ophunzira achita.

Kufotokoza mwachidule

M'mutu uno, mwaphunzira zomwe zimalepheretsa ophunzira kugwiritsa ntchito malamulo a chiyankhulo ndipo mwafufuza njira zomwe zingathandize kuthetsa mavutowa. Mwaphunziranso njira ndi ndondomeko zophunzitsira phunziro la kugwiritsa ntchito malamulo a chiyankhulo. Kenaka, mwasonyea momwe mungaphunzitsire phunziro la kugwiritsa ntchito malamulo a chiyankhulo mu Sitandade 3 mpaka 8.

Kudziunika ndi kudziyesa

- 1 Fotokozani zomwe zimalepheretsa ophunzira kugwiritsa ntchito malamulo a chiyankhulo.
- 2 Perekani mfundu zitatu zomwe zingathandize kuthetsa mavuto omwe amalepheretsa ophunzira kugwiritsa ntchito malamulo a chiyankhulo.
- 3 Lembani ziganizo ziwiri zokhala ndi mitundu ya mawu iyi:
muonjezi, mperekezi ndi mlumikizi.

Matanthauzo a mawu

Kugwiritsa ntchito malamulo a chiyankhulo: luso la kutchula, kuyankhula, kuwerenga, kulemba mawu ndi ziganizo moyenera ndi molondola

Mabuku

Nankwenya, I. A. J. (2008). *Zofunika mu galamala ya Chichewa*. Blantyre: Dzuka Publishing Company Limited.

Ngoma, S. J. L. ndi Chauma A. M. (2014). *Tizame m'Chichewa malamulo ophunzitsira ndi kuphunzirira Chichewa*. Blantyre: Bookland International.

Kuwerenga koonjezera

Nkhoma, W. A. (1999). *Kuphunzira Chinyanja*. Zomba: Chanco Publications.

MUTU 14 Kaphunzitsidwe ka ndagi/zilapi

Luso : Kuganiza mozama
Nthawi: Maola 1
Chigawo: Chachiwiri

Chiyambi

Ndag i ndi umodzi mwa mitundu ya masewero a mawu a chikhali dwe chathu. Dzina lina la ndagi ndi chilapi. Ndagi ndi kasewero ka mawu konena zinthu mophiphiritsa kuti wina apeze tanthauzo. Ana ngakhalenso akulu amatha kuponyerana ndagi. Ndagi zimaponyedwa ndi cholina chofuna kuphunzitsa anthu zinthu zosiyanasiyana monga mayina a zinthu komanso kuganiza mozama.

M'mutu uno, muphunzira kaphunzitsidwe ka ndagi/zilapi.

Zizindikiro za kakhozedwe

Pakutha pa mutu uno, ophunzira asonyeza kaphunzitsidwe ka phunziro la ndagi/zilapi.

Mawu otsogolera

Ophunzira ku sukulu yapulayimale amaphunzira ndagi/zilapi. Iwo ayenera kuphunzira bwino matanthauzo a zilapi/ndagi, mitundu, kufunika kapekedwe, komanso kaponyedwe kake.

Zilapi/ndagi ndi zofunika kwambiri pa chikhali dwe chathu chifukwa zimathandiza kuganiza mozama. Izi zimachitika pamene wina waponya ndagi kuti woyankha aganize mwakuya

ndi cholina choti apeze yakho lolondola. Komanso ndagi zimachita kupekedwa ndipo kupeka ndagi kumafuna luso lalikulu. Luso lopeka ndagi lagona pofananitsa zinthu. Wopeka ndagi amayenera kuganiza mozama kuti apeze zinthu zoti n'kuzifananitsa monga m'mamvekedwe, m'matanthauzo, m'maonekedwe, m'makhalidwe kapena m'machitidwe.

Pali mitundu yaikulu iwiri ya ndagi: ndagi zonena za zinthu zamoyo ndi ndagi zonena za zinthu zopanda moyo.

Pophunzitsa ndagi/zilapi, mphunzitsi atsatire ndondomeko iyi:

- Kufunsa ophunzira kuti afotokoze zomwe akudziwako zokhudza ndagi kapena zilapi
- Kupereka tanthauzo la mawu ot "chilapi" kapena "ndagi"
- Kupereka zitsanzo
- Kupereka mayankho a zilapi/ndagi zomwe zaperekedwa ngati zitsanzo
- Kuponyerana zilapi/ndagi
- Kulemba ntchito
- Kukachita kafukufuku pa ndagi zina

Ntchito 1: Kukambirana ndagi/ zilapi zosiyanasiyana

- 1 Fufuzani ndagi kapena zilapi kuchokera m'mabuku a ophunzira a Sitandade 3 mpaka 8.
- 2 Gawani ndagi mogwirizana ndi mitundu yomwe yaperekedwa m'mutu uno.

- Perekani zitsanzo zina za ndagi kapena zilapi.

Malangizo kwa mphunzitsi

Mupezeretu zitsanzo za mitundu ya ndagi/ zilapi.

Ntchito 2: Kusonyeza kaphunzitsidwe ka phunziro la ndagi kapena zilapi

- Unikani ndondomeko yophunzitsira ndagi/zilapi.
- Sonyeani momwe munghunzitsire phunziro la ndagi/zilapi.
- Kumbukirani kuyesa ophunzira pamene mukuphunzitsa.

Malangizo kwa mphunzitsi

Muombe mkota pa ntchito yomwe ophunzira achita.

Kufotokoza mwachidule

Mu phunziro lino mwaphunzira mitundu ya ndagi ndi kapekedwe kake. Pomaliza, mwasonyeza momwe mungaphunzitsire ndi kuzukuta phunziro la ndagi/zilapi.

Kudziunika ndi kudziyesa

- Tchulani njira zabwino zophunzitsira, zophunzirira ndi zoyesera zomwe zingakuthandizeni kuphunzitsa mwachikoka phunziro la ndagi/zilapi.
- Mungachite chiyani kuti mudziwe zitsanzo zambiri za ndagi kapena zilapi?

Matanthauzo a mawu

Ndagi/zilapi: kasewero ka mawu kofananitsa zinthu mwafunso

Mabuku

Ngoma, S. J. L. & Nkhoma, W. (2002) *Nsinjiro za chiyankhulo*. Blantyre: Macmillan.

Ngoma, S. J. L. & Nkhoma, W. (2014). *Nsinjiro za chiyankhulo ndi maziko a nkhani zamchezo, ndakatulo ndi zisudzo*. Blantyre: Bookland International.

Kuwerenga koonjezera

Chadza, E. J. (1980). *Tiphunzire Chichewa*. Blantyre: CLAIM.

Gwengwe, J. W. (1994). *Chinyanja china*, Lusaka: Zambia Educational Publishing House

Kumakanga, S. L. (1986). *Nzeru za kale*. Blantyre: Dzuka.

Nthala, S. J. (1994). *Mawu okuluwika m'Chinyanja*, Lusaka: Zambia Educational Publishing House.

Ulanga, A. E. (1980). *Chilape nachize*, Limbe: Popular Publications.

MUTU 15 Kaphunzitsidwe ka mikuluwiko

Luso : Kuganiza mozama
Nthawi: Maola 1
Chigawo: Chachiwiri

Chiyambi

Mkuluwiko ndi chiganizo chomwe chimakhala ndi phunziro. Mikuluwiko ndi mutu wa mwambi. Mikuluwiko ndi yofunika kwambiri pa chikhalidwe chathu chifukwa imanenedwa pofuna kukometsa nkhani, poyankhula mozimbaitsa, poweruza milandu kwa mfumu komanso pophunzitsa chikhalidwe.

M'mutu uno, muphunzira kaphunzitsidwe ka phunziro la mikuluwiko.

Zizindikiro za kakhozedwe

Pakutha pa mutu uno, ophunzira asonyeza kaphunzitsidwe ka phunziro la mikuluwiko.

Mawu otsogolera

Ophunzira ku sukulu yapulayimale amaphunzira mikuluwiko.
Ophunzirawo ayenera kuphunzitsidwa momveka bwino matanthauzo, mitundu ndi kufunika kwa mikuluwiko.
Mkuluwiko ndi chiganizo chokhazikika, chonena zinthu mwachidule ndipo chimakhala ndi phunziro lozimbaitsa.

Mikuluwiko imaikidwa m'mitundu yosiyanasiyana molingana ndi momwe anthu maka ochita kafukufuku amaimvetsera, komabe mitundu

yaikulu ndi yotsatirayi: yokambidwa pamilandu, yophunzitsa chikhalidwe chabwino, yochenjeza komanso yolangiza.

Mikuluwiko ndi yofunika kwambiri m'chiyankhulo. Mwachitsanzo, imaphunzitsa ndi kulimbikitsa makhalidwe abwino, imachenjeza, imadzudzula makhalidwe oipa komanso imaphunzitsa chiyambi cha zinthu. Mikuluwiko imaphunzitsanso kuganiza mozama, imateteza ndi kupititsa patsogolo chikhalidwe cha makolo ndiponso imagwiritsidwa ntchito poyanjanitsa anthu omwe asemphana mawu.

Pophunzitsa mikuluwiko, mphunzitsi atsatire ndondomeko iyi:

- Kufunsa ophunzira kuti afotokoze zomwe akudziwako zokhudza mikuluwiko
- Kupereka tanthauzo la mikuluwiko
- Kupereka zitsanzo
- Kupereka matanthauzo a mikuluwiko yomwe yaperekedwa ngati zitsanzo
- Kupereka ntchito kwa ophunzira monga kulemba matanthauzo a mikuluwiko
- Kukachita kafukufuku pa zitsanzo zina za mikuluwiko

**Ntchito 1: Kukambirana
mikuluwiko
yosiyanasiyana**

- 1 Fufuzani mikuluwiko kuchokera m'mabuku a ophunzira a Sitandade 5 mpaka 8.
- 2 Kambiranani matanthauzo a mikuluwiko yomwe mwapeza.
- 3 Perekani zitsanzo zina za mikuluwiko ndi matanthauzo ake.

Malangizo kwa mphunzitsi
Mupezeretu zitsanzo za mikuluwiko yosiyanasiyana.

**Ntchito 2: Kusonyeza kaphunzitsidwe
ka phunziro la mikuluwiko**

- 1 Unikani ndondomeko yophunzitsira mikuluwiko.
- 2 Sonyezani momwe mungaphunzitsire phunziro la mikuluwiko.
- 3 Yesani ophunzira pamene mukuphunzitsa.
- 4 Perekani maganizo anu pa ntchito yomwe anzanu achita.

Malangizo kwa mphunzitsi
Muombe mkota pa ntchito yomwe ophunzira achita.

Kufotokoza mwachidule

M'mutu uno, mwaphunzira mikuluwiko yosiyanasiyana ndi matanthauzo ake. Kenaka, mwasonyeza momwe mungaphunzitsire phunziro la mikuluwiko.

Kudziunika ndi kudziyesa

- 1 Pali kusiyana kotani pakati pa chining'a, mkuluwiko ndi mwambi? Perekani zitsanzo.
- 2 Tchulani njira zamakono zophunzitsira, zophunzirira ndi zoyesera zomwe zingakuthandizeni kuphunzitsa mwachikoka phunziro la mikuluwiko.

Matanthauzo a mawu

Mkuluwiko : mutu wa mwambi ndipo umakhala ndi tanthauzo

Mwambi: nkhani yofotokoza zinthu zopeka kapena zonna ndipo mutu wa nkhaniyo unmatchedwa mkuluwiko

Mabuku

Gwengwe, J.W. (1994). *Chinyanja china*, Lusaka: Zambia Educational Publishing House.

Kumakanga, S. L. (1986). *Nzeru za kale*. Blantyre: Dzuka.

Ngoma, S.J.L. and Nkhoma, W. (2014) *Nsinjiro za chiyankhulo ndi maziko a nkhani zamchezo, ndakatulo ndi zisudzo*. Blantyre: Bookland International.

Kuwerenga koonjezera

Chadza, E.J. (1980). *Tiphunzire Chichewa*. Blantyre: CLAIM.

Nthala, S.J. (1994). *Mawu okuluwika m'Chinyanja*, Lusaka: Zambia Educational Publishing House.

MUTU 16 Kaphunzitsidwe ka nthano

Luso : Kuganiza mozama

Nthawi: Maola 1

Chigawo: Chachiwiri

Chiyambi

Kupatula zilapi ndi mikuluwiko, mu nkhani za chikhaldwe mulinso nthano. Nthano ndi nkhani zopeka. Nthano zimakhudza zinthu zenizeni zochitika m'moyo wa tsiku ndi tsiku.

Pafupifupi mitundu yonse ya anthu ili ndi nthano zawo. Ena amaganiza kuti nthano ndi za anthu osaphunzira kapena omwe satha kuwerenga ndi kulemba. Izi si zonna chifukwa ngakhale azungu ophunzira ali ndi nthano zokhudza chikhaldwe chawo. Mu chikhaldwe chathu muli nthano zosiyanasiyana zomwe zimaphunzitsidwa kusukulu.

M'mutu uno, muphunzira kaphunzitsidwe ka phunziro la nthano.

Zizindikiro za kakhozedwe

Pakutha pa mutu uno, ophunzira asonyeza kaphunzitsidwe ka phunziro la nthano.

Mawu otsogolera

Nthano ndi nkhani yachikhaldwe yochita kupeka. Nthano imakamba za zinthu zomwe zidachitika kalekale. Mu nthano mumakhala ampangankhani, malo ndi nthawi, tsatanetsatane wa

zochitika komanso mfundo yaikulu. Ampangankhani a mu nthano amatha kukhala nyama zokhazokha kapena anthu okhaokha kapenanso nyama ndi anthu.

Nthano ndi zofunika kwambiri pa chikhaldwe chathu chifukwa zimaimbida pofuna kusangalatsa, kuphunzitsa komanso kudziwitsa ena za zinthu zosiyanasiyana. Kalekalelo makolo ankaletsa ana kuimba nthano masana. Chikhaldwe chimasintha ndipo masiku ano nthano zikuimbida masana monga kusukulu.

Pophunzitsa nthano, mphunzitsi atsatire ndondomeko iyi:

- Kufunsa ophunzira kuti afotokoze zomwe akudziwako zokhudza nthano
- Kupereka tanthauzo la nthano
- Kupereka chitsanzo cha nthano
- Kuimba nthano
- Kufotokoza kapekedwe ka nthano (zofunika kuganizira popeka nthano)
- Kupereka ntchito kwa ophunzira monga kuyankha mafunso ndi kupereka phunziro lopezeka mu nthano kapena kukamba za apangankhani, malo nthawi ndi zina
- Kukachita kafukufuku pa zitsanzo zina

Ntchito 1: Kuzukuta nthano zosiyanasiyana

- 1 Fufuzani nthano kuchokera m'mabuku a ophunzira a Sitandade 3 mpaka 8.
- 2 Kambiranani zinthu monga apangankhani, malo ndi nthawi, mfundo yaikulu kapena phunziro lomwe lili mu nthano zomwe mwapeza.
- 3 Fotokozani nthano zina zomwe mumazidziwa.

Malangizo kwa mphunzitsi

Muombe mkota pa ntchito yomwe ophunzira achita.

Ntchito 2: Kusonyeza

kaphunzitsidwe ka phunziro la nthano

- 1 Unikani ndondomeko yophunzitsira nthano.
- 2 Sonyezani momwe mungaphunzitsire phunziro la nthano potsatira ndondomeko.
- 3 Yesani ophunzira pamene mukuphunzitsa.
- 4 Perekani maganizo anu pa nthito yomwe anzanu achita.

Malangizo kwa mphunzitsi

Muombe mkota pa ntchito yomwe ophunzira achita.

Kufotokoza mwachidule

M'mutu uno, mwaphunzira kaphunzitsidwe ka phunziro la nthano. Kenaka, mwasonyeza momwe mungaphunzitsire ndi kuzukuta phunziro la nthano.

Kudziunika ndi kudziyesa

- 1 Fotokozani kufunika kophunzitsa nthano ku sukulu yapulayimale.
- 2 Tchulani njira zamakono zophunzitsira, zophunzirira ndi zoyesera zomwe zingakuthandizeni kuphunzitsa mwachikoka phunziro la nthano.

Matanthauzo a mawu

Mpangankhani: wotenga mbali m'nhhani/m'nthano),

Malo ndi nthawi: malo ndi nthawi yomwe nkhani idachitikira

Mfundo yaikulu: chomwe nthano ikukamba monga 'kudalirana'

MABUKU

Brewer, J. (undated). *Kalulu ndi nyama zinzace*. Cape Town: Longmans.

Zingani, W.T. (2004). *Khwangwala wopusa*. Blantyre: Claim.

Kuwerenga koonjezera

Chafulumira, E.W. (1962). *Mfumu watsopano*. London: Macmillan.

Gwengwe, J.W. (1967). *Oloka nyanja*. Blantyre: Malawi Publications and literature Bureau.

Ngoma, S.J.L. and Nkhoma, W. (2014). *Nsinjiro za chiyankhulo ndi maziko a nkhani zamchezo, ndakatulo ndi zisudzo*. Blantyre: Bookland International. Popular Publications (1975). *Nthano moni books 2*. Limbe: Popular Publications.

MUTU 17 Kaphunzitsidwe ka sewero

Luso : Kuganiza mozama

Nthawi: Maola 1

Chigawo: Chachiwiri

Zina mwa zolina za masewero ndi kusangalatsa, kuphunzitsa komanso kudziwitsa ena za zinthu zosiyaniyana.

Chiyambi

Sewero ndi nkhani yotsanzira zinthu zochitika m'moyo. Dzina lina la sewero ndi chisudzo.

Anthu amalemba masewero kuchokera pa mitu kapena mfundu zazikulu zosiyaniyana. Pali masewero ena omwe amalembedwa ndi cholinga choti achitidwe kuti anthu aonere pomwe masewero ena amangowerengedwa chabe.

M'mutu uno, muphunzira kaphunzitsidwe ka phunziro la sewero.

Zizindikiro za kakhozedwe

Pakutha pa mutu uno, ophunzira:

- azukuta masewero.
- asonyeza kaphunzitsidwe ka phunziro la sewero.

Mawu otsogolera

Ophunzira ambiri mu sukulu zapulayimale amakonda kuchita zinthu motsanzira zochitika m'moyo. Iwo amachita masewero komabe mosazindikira kwenikweni.

Mu sewero mumakhala atengambali, malo ndi nthawi, tsatanetsatane wa zochitika komanso mfundu yaikulu.

Pophunzitsa sewero, mphunzitsi atsatire ndondomeko iyi:

- Kufunsa ophunzira kuti afotokoze zomwe akudziwako zokhudza sewero kapena chisudzo.
- Kupereka chitsanzo cha sewero.
- Kufotokoza kufunika kwa sewero.
- Kufotokoza zozezeka mu sewero.
- Kuchita sewero.
- Kupereka ntchito kwa ophunzira monga kuchita sewero, kufotokoza za atengambali, makhalidwe awo komanso phunziro lopezeka mu sewero.
- Kuchita kafukufuku.

Ntchito 1: Kuzukuta masewero

- 1 Fufuzani masewero kuchokera m'mabuku a ophunzira a Sitandade 3 mpaka 8.
- 2 Pezani zinthu monga atengambali, malo ndi nthawi, tsatanetsatane wa zochitika ndi mfundu zikuluzikulu zomwe zili m'masewero omwe mwawerenga.
- 3 Fotokozerani anzau zomwe mwapeza.

Malangizo kwa mphunzitsi
Mupezeretu mabuku osiyanasiyana
momwe muli masewero.

Ntchito 2: Kusonyeza kaphunzitsidwe ka phunziro la sewero

- 1 Unikani ndondomeko yophunzitsira sewero.
- 2 Sonyezani momwe mungaphunzitsire phunziro la sewero potsatira ndondomeko.
- 3 Zukutani phunziro lililonse.
- 4 Perekani maganizo anu pa zomwe anzau achita.

- Malangizo kwa mphunzitsi**
- Ophunzira angapo akaphunzitsa, poyamba funsani omwe aphunzitsa kuti apereke ndemanga pa momwe aphunzitsira.
 - Kenaka uzani ena kuti apereke ndemanga pa momwe anzawo aphunzitsira.
 - Pomaliza pherani mphongo pa momwe aphunzitsira.
 - Muthanso kupereka ntchito yokachitira kunyumba.

Kufotokoza mwachidule
M'mutu uno, mwaphunzira
kaphunzitsidwe ka phunziro la sewero.
Pomaliza, mwasonyeza momwe
mungaphunzitsire, kuyesa ndi
kuzukuta phunziro la sewero.

Kudziunika ndi kudziyesa

- 1 Fotokozani kufunika kowaphunzitsa ophunzira sewero ku sukulu yapulayimale.
- 2 Tchulani njira zamakono zophunzitsira, zophunzirira ndi zoyesera zomwe zingakuthandizeni kuphunzitsa mwachikoka phunziro la sewero.

Matanthauzo a mawu

Mtengambali: wochita zinthu mu
sewero

Mabuku

Brewer, J. (undated). *Kalulu ndi nyama zinzace*. Cape Town: Longmans.
Zingani, W.T. (2004). *Khwangwala wopusa*. Blantyre: Claim.

Kuwerenga koonjzera

Chafulumira, E. W. (1962). *Mfumu watsopano*. London: Macmillan.
Gwengwe, J. W. (1967). *Oloka nyanya*. Blantyre: Malawi Publications and literature Bureau.
Ngoma, S. J. L. and Nkhoma, W. (2014). *Nsinjiro za chiyankhulo ndi maziko a nkhani zamchezo, ndakatulo ndi zisudzo*. Blantyre: Bookland Popular Publications (1975).
Nthano moni books 2. Limbe: Popular Publications.

MUTU 18 Kaphunzitsidwe ka kuzukuta nyimbo ndi ndakatulo

Luso : Kugariza mozama

Nthawi: Maola 1

Chigawo: Chachiwiri

Chiyambi

Kupeka nyimbo ndi ndakatulo ndi ntchito yomwe imafunika luso lapamwamba. Anthu opeka nyimbo ndi ndakatulo amaganizira zinthu zambiri kuti zopekazo zikhale zachikoka komanso zopereka tanthauzo.

Anthus omvetsera kapena owerenga nyimbo ndi ndakatulo amayenera kuzukuta zomwe amvetserazo kapena awerengazo kuti apeze tanthauzo lenileni.

M'mutu uno, muphunzira kaphunzitsidwe ka kuzukuta nyimbo ndi ndakatulo.

Zizindikiro za kakhozedwe

Pakutha pa mutu uno, ophunzira asonyeza kaphunzitsidwe ka kuzukuta nyimbo ndi ndakatulo.

Mawu otsogolera

Anthus ambiri amangomvetsera kapena kungowerenga ndakatulo mwachizolowezi posaganizira mozama za zomwe zikunedwa. Anthu otere satola zochitika zenizeni kuchokera mu ndakatulozo.

Pozukuta nyimbo kapena ndakatulo iliyonse, timasanthula zotsatirazi:

- Ndani akuyankhula?

- Akuti chiyani?
- Akuyankhula ndi yani?
- N'chifukwa chiyani akuyankhula zimenezi?
- Kodi woyankhulayu ndi wosangalala, wachisoni, wokhumudwa?
- Ndi mfundo yaikulu iti yomwe ili mu nyimbo kapena ndakatuloyi?
- Zipangizo za nsetso (mawu apadera omwe agwirtsidwa ntchito monga mpeputso, msemphano, voko, chiyerekezero, ndi m'malere).

Ntchito 1: Kuzukuta nyimbo

- 1 Imbani nyimbo ya "Birimankhwe maso adatupa ninji?"
- 2 Zukutani nyimboyi popeza zitsanzo za izi: chibwerezza, mafunso achodziwadziwa, woyankhula, woyankhulidwa ndi umunthu.

Malangizo kwa mphunzitsi

Muombe mkota pa zomwe ophunzira achita.

Ntchito 2: Kusonyeza kaphunzitsidwe ka kuzukuta nyimbo ndi ndakatulo

- 1 Pezani nyimbo kapena ndakatulo m'mabuku a ophunzira a Sitandade 3 mpaka 8.
- 2 Konzekerani phunziro la kuzukuta nyimbo kapena ndakatulo.
- 3 Sonyezani momwe mungaphunzitsire phunzirolo.
- 4 Zukutani phunziro lililonse.

Malangizo kwa mphunzitsi

- Muonetsetse kuti ophunzira azukuta nyimbo kapena ndakatulo moyenera.
- Muombe mkota pa mmene maphunzirowo ayendera.

Kufotokoza mwachidule

M'mutu uno mwaphunzira momwe mungazukutire nyimbo kapena ndakatulo. Pomaliza, mwasonyeza momwe mungaphunzitsire phunziro la kuzukuta nyimbo ndi ndakatulo.

Kudziunika ndi kudziyesa

- 1 Fotokozani kufunika kwa kuzukuta nyimbo ndi ndakatulo.
- 2 Ndi zovuta zanji zomwe mungakumane nazo pamene mukuzukuta nyimbo kapena ndakatulo?
- 3 Zukutani ndakatulo yotsatirayi:

Mudali waliwali

Mudali waliwali anzanga ngati nyenyezi
Tsono kuno mwazimiranji mwa mwatso?
Tsitsi lanzindo lamfundo lanyala ngati anyezi
Mkusani nawo sukukata mwanu mu chatso

Mayo! Makono mwangoti bii ngati mtsiro
Ndi nkhungunkuma mankhuma mu udzu
Ndiwo atsakamula mvula yokuonani litsiro
Sanama, yaliuma nyama idafa ndi ludzu

Thethe munkati ngati mbuliwuli pa chiwaya

Tikati yoyendayenda idakumana ndi chala

Nanga kwakupinduliraninji kuwayawaya?

Poti mwabwerako muli pepu ngati thyala

(*Wisdom Nkhoma*).

Matanthauzo a mawu

Kuzukuta: kusanthula nyimbo, ndakatulo kapena nkhanzi poona mwakuya zochitika.

Chibwereza: kubwereza mwadala mawu kapena gulu la mawu ena.

Chiderekezero: Kufananitsa mopanda chindunji zinthu ziwiri zosiyana.

Funso la chodziwadziwa: Funso longofunsidwa posayembekezera yankho popeza yanko lake limakhala lodziwikiratu.

Mpeputso: mawu osaumitsa thupi omwe amalowa m'malo mwa oipa.

Msemphano: mawu onena zina koma akutanthauza zina

M'malere: kathedwe ka nkhanzi komuchititsa womvera kapena wowerenga kufunabe kudziwa zambiri

Woyankhulidwa: yemwe akuyankhulidwa mu nyimbo/ ndakatulo kapena nkhanzi

Umunntha: kupereka khalidwe la munthu kwa chinthu china.
Voko: Kukuza zinthu zazing'ono.

Mabuku

- Abrams, M.H. & Harpham, G.G. (2005). *A glossary of literary terms* (9th ed). Boston: Cengage Learning.
- Moto, F. (2001). *Trends in Malawian literature*. Zomba: Chancellor College Publications.
- Nkhoma, W. (2016). *Guide to literary terms with chichewa equivalents and examples*. Zomba: Chanco.

Kuwerenga koonjezera

- Mjaya, A.N.U. (2001). *Introduction to literary criticism – linguistics and African languages module 4*. Domasi: Domasi College of Education.
- Ngoma, S.J.L. and Nkhoma, W. (2014). *Nsinjiro za chiyankhulo ndi maziko a nkhani zamchezo, ndakatulo ndi zisudzo*. Blantyre: Bookland.
- Sitima, J.G. (2001). *Mtondo: Kufotokozera za ndakatulo, zifanifani, nyimbo ndi ndagi*. Zomba: Chanco Publications.